


董節婦茅碩人傳


碩人祖爲吳興茅鹿門先生父御史薦卿而適同郡董嗣暉幼函則宗伯潯陽公之孫給諫龍山公之第五子也初薦卿祈嗣於太山元君抱一土偶歸視之女也心諱之扶其耳微傷焉更益之髭使作男子相踰年碩人生微有髭毫出於耳環之下旬日必剃之少通書史嫻楷隸明慧絕倫薦卿曰是當歸孝義家卽鬚眉男子弗若也旣歸幼函弱冠能文而得瘵疾碩人聽響應聲以侍湯藥上章請代不効則剪股進

REPRODUCED BY THE NATIONAL CENTRAL LIBRARY, TAIWAN, R.O.C.



之又不効而幼函竟夭矣碩人擊胸叩心號咷却飲
食將死之勸者曰母死誰哺強中兒未幾麟兒殤又
將死之勸者曰婦死誰哺堂上姑碩人不得已強起
理家事讀古先生之書供奉旃檀像化誨女廝輩皆
練衣蔬食侍衛甚謹不結女伴爲踏堤遊不聽師尼
巫覡見鬼人等闖戶限內饒有藏貲以十之一助施
捨其餘勾校封識手筭鑰鑰齊令人曰是將待後嗣
者授之弗輕動也去麟十三年始克以伯氏之子式
爲麟後夫婦性多好嗇而世家多好奢若碩人熒熒


孀寡四顧虛無人拋撒刀錢孤行壹意誰復能禁之
而能待亡如存撫式如麟節縮如寡人婦係董氏世
遺之產歸董氏應立之孤卽然明止生未嘗染銖黍
尺寸雖其性豪不藉此然其叔嫂兄弟之間信義明
若秋霜亦足以規其家風之萬一矣昔碩人剖股救
夫董然明有剖股篇名士聞而屬和之頃碩人同穴
葬後殉構禪居肖像爲伽藍比於功德院茅止生乞
言當世之作者以章其殊尤苦節生前無事於有司
粟帛身後有待於天子旌廬是則式之責也眉道



西晉公先生集卷之四十五
人請先爲立傳告之脩郡乘者采擇焉


新安少林吳公暨配朱孺人合傳

余性好藏墨如嵇康鍛阮咸屐米芾研山常出之與好事摩弄獨品桑林子墨爲第一其名不脛而走四裔歲愈久聲價愈高桑林子卽汪鴻漸先生也其在明者自桑林子而上至樂同公某凡五世皆吳姓自桑林子而下至如輅如軻兄弟凡四世亦吳姓獨桑林子姓汪何也桑林蚤失怙恃然孤嬰也有從姑適汪氏者發而賢攜之就養汪門遂從汪姓此桑林汪氏所自始娶查氏生三男長卽應坤幼奇穎好儒



術外樸而中慧既長慨然曰文章小道不足以發身
王方翼燎松丸墨爲富家翁伊何人哉乃使仲攻鄒
魯之書使季攻卓鄭之策而自佐桑林子以墨代耕
攷古證今製器規度博採精研皆易水法所不載渡
山浮江走數千里以交當世之賢豪賢豪無桑林子
墨數十螺輒謂之不韻因起家成素封桑林子歿應
坤號咷治喪喪禮悉絜考亭先生禮家言弔者大悅
念從姑無出則若赦之鬼飯矣乃擇汪氏之賢者爲
之後建祠立坊廣田宅斥家財以安其嗣人又輦金

輸帛謁高文大篇表揚姑之奇節而始復吳姓仲若
季踴躍鼓舞而從之一室之內甘苦必共出入必偕
事無纖鉅必關决非特家督且奉公爲導師矣是時
應坤已中年未舉子朱孺人力勸置副納璧於張氏
生元震甫九齡而應坤卒元震舉如輅如軻方二三
齡而元震又卒朱孺人撫孀婦哺孤雛腹抱而手掬
之其後教子之子娶媳之媳抱孫之孫茹荼醫藥窮
數十年無限辛勤始得轉枯爲苑化咷成笑力挽五
世之單傳爲振振之子孫濟濟之冠蓋甲戌八旬汪



陶齋公知生集 卷之四十五
吳兩家與遠近賓客餽牽筐篋而來人以此豔美朱
孺人而追誦應坤之盛德不衰曰此立汪後復吳宗
之報也今桑林子之墨甲天下以僞亂真者間有之
試質其苗裔爲吳爲汪愕不知置對又何知墨譜故
眉道人表而出之


陳子曰昔易水李超至歙州樂其地多松因家焉五
世治墨而其初姓奚也宜更曰奚廷珪今汪氏之墨
桑林子而其初姓吳也宜更曰吳桑林墨說曰墨無
他奇惟真爲寶卽家譜亦然吾嘗謂墨有君子之道
三堅如玉文如犀刃如鋒點如漆比德也削松不瘦
不肥煮膠不寒不暑運杵不緩不急火候不寬不猛
貴中和也貯以豹囊樹之梁間毋近墻壁惡倚傍而
居下流也此法吾得之吳氏吳氏得之奚氏蓋進乎
道矣墨世家云乎哉




陸希公外生集 卷之四十五

錢母陸淑人傳

陸淑人者 誥贈中大夫山東右叅政忠所錢公之
配宮允抑之方伯康侯之母也錢氏出表忠裔元有
脩職郎國馮者自臨安領嘉興侯因家焉尋析為嘉
善人四傳為邑廩生世華其子萼精於醫纂醫海二
百卷萼生炳炳生貞是曰栢峰公中嘉靖丁酉鄉試
令尤溪歷楊州汝寧二守以廉吏稱栢峰生心亭公
吾仁入太學贈叅政娶曹贈淑人舉二丈夫子長即
贈公贈公自少醇謹卓然以儀軌自居及長議婚得




國立中央圖書館 國家圖書館 國家圖書館 國家圖書館



東晉先生集 卷之四十五 三十一 錢母陸一


長汀丞陸公女十五來歸保母趙媪睨而嘆曰新婦
神明意審矯矯道上異日祿幢綸翟中人也旣廟見
出朝尊章調御上下逡巡皆有方局宗人不敢以年
少目之矣初裝遣廉薄已叔奴盛孺人入門統綺相
炤環珮之聲粲然淑人處之晏如盛產兒外家具文
襪錦綉犀錢玉果相屬而淑人舉子但率女奴治泉
以供湯餅客然淑人待盛無間言每事推掖之使前
調護甚力贈公當析箸探策得西第輪奐方新堅以
遜其仲而自處故居稍漸理堂構經營部署悉出

淑人手中卽心亭翁嘗許葺治費不忍索也旣居別
宅去曹太君僅百武淑人起居不離側老嫗小奚遣
餽趾相錯數偵其所食加損爲憂喜太君常繆爲勇
敵以慰之心亭翁病膈贈公與淑人承響床第間侍
疾不解帶治喪不勝衣諱日生辰饋奠飲泣卽推及
王舅王姑率子姓跽拜如禮潔齊謹恪說者謂其有
詩禮薦藻采蘋之風贈公性弘恕不喜苛察園丁有
竊瓜者家人有乘火攫金去而娶婦者悉貰勿問反
好語囑之曰無爲主母所知而淑人則治家嗃嗃男



女不比肩寢與不失度賞罰不僭約贈公遇荒施賑
遇疾施藥衣食無告之人瘞埋無主之骨峻却祖姑
比鄰之產贖史生鬻兒撫任氏一門疲厲沒而經紀
其喪入以告之淑人淑人贊嘆從更甚力不忍以拮
据纖喬謝也贈公嘗笑曰家乘有健婦書種有佳兒
豈復累縫掖埋沒枯螢老蠹中哉遂謝去公車日以
課子爲事手錄古人格言警語榜之屏障間諄諄以
忠孝廉節相勸勉淑人更以方嚴佐之凡一切大人
遊少年場以及詩壇酒政之豪舉非唯不使近且不


習也文社有會贈公拈題危坐淑人走爨下張具繼
以燃膏未嘗敢告飭賢師友過從爲咄嗟立辦皆豐
腆而約束二子不過數臠肉三浣衣稍請更易瞪目
怒不許曰孺子輩乃敢快意耶康侯癸丑成進士抑
之丙辰廷對第一賀者傾城涸巷淑人痛贈公不及
見也謝客拒筐篚問有趨羶附熟者禁勅勿與通曰
先君子嚴義利謹取予處後守雌素風如昔若導之
關說長吏漁獵細民吾家兒羞而不忍爲也嘗語仲
子曰汝司寇無以三尺法穿人於丹書語伯子曰汝



史氏無以七寸管篋人於青史二子退而識之康侯
欽恤三輔多所平反抑之脩神廟實錄不輕置褒
鉞一字繁惟淑人有紳訓焉贈公玉立白哲方願豐
下與人交溫洽詳緩觸之不怒挑之不爭不乘急減
值不小惠市名客有負責者歸其券有負心者則俛
而笑曰此宿世事也笑而貸之邑大夫謝公巖以老
更之禮一往輒不赴栽梧菊頽其堂曰清鑒更自
號閒棲居士與仲弟衛幕公出入飲食必俱怡怡如
也淑人待外家無私假私與待兩婦無左袒右袒贊


明而起操作如壯時晚年戒殺好竺乾先生之言彌
留時命眷屬環念大悲觀音者數千聲氣體香潔柔
和如生雖不學佛故是學佛作家然巫覡師尼及見
鬼人等則門庭削跡矣

陳子曰贈公戊申前逝淑人優游祿養幾十五年抑
之康侯似可少釋終天之憾而語次輒泣不自勝曰
吾於兩親有至痛先生手抄六籍百家言授以句讀
若望以名世而不聞兩兒南宮報臚傳首選遠近識
一面者皆爲額手而淑人追念先公反爲之喜極而





悲歎噓罷飲兄弟晝遊京輦擬以板輿迎母來重去
家不可強士升艱子淑人禱禳以祈多男今舉兩雄
長者娶婦巽青襟次者讀書已上口矣而母與先公
曾否對笑地下乎弟代北門守兄乞南陔養而晉有
疆場之役母大憂已觸璫餒幾叵測母聞之又大怖
今主聖時清禍本頓拔兩兄弟方將式歌且舞以
薦席前太平之觴而母不我待矣六痛填膺九原誰
告所恃以不朽吾親者在志表傳朱少師錢宗伯業
已憐而許之兩公袞而史子布衣而史敢稽首載拜

以請是故陳子不辭爲之傳




劉母錢淑人傳

淑人海鹽錢永州芹之女按察使劉公烜之元配也
錢氏自臨江公以來纍纍簪紱多清人賢胄永州公
與劉太公木同舉於鄉嫿甚相約爲婚姻劉太公爲
威縣令七年裝不滿四十金旣捐館益中衰按察公
從永州公受書永州公貴時羣從兄弟後先成進士
諸姻婭綺紈駢坐按察公獨否否永州公出繒綵授
之謝不內而衣布衣躑躅如故左右多鄉背有輕心
臨江公聞而歎曰劉郎貧而才又廉吏兒少年不成




名吾不復相天下士矣淑人十七歸按察公晨朝鄭
太君太君自逆之儀軌自如以次委蛇起居諸娣姒
人人解頰贊賀得婦賢鄭太君性嚴重造次必依禮
法少忤輒詈罰每病熾昏瞶于嘔頭眩不得怡淑人
率袒衣膚裏相屬掖卧起跣步不離側旦晚上食無
敢平面視中褰以下手自澣之鄭太君心動爲解嚴
曰新婦善事我按察公官金谿官畱都官臨川皆與
淑人俱官閩粵更官豫章淑人奉太君於家當龍頭
寨諸盜起福寧曾一木起廣中公在事轉餉督兵甚

棘太君憂之食不甘淑人曰吾矧其生平蹇進而好
退多讓而寡營蓋恭儉吉德人也卽置虎穴中無死
法况其才足辦賊者未幾果奏捷捷書首推轂公公
遜績不居卒如淑人所料云按察公居官廉淑人局
牙署日課童婢種蔬績麻尺寸不外索司帑吏啗公
美金八千餘公籍錄爲公家經費嶺南之役明珠異
香不點歸橐曰少染指恐爲吾婦錢淑人所笑家居
門風醇淡賓祭以外罕聞庖聲淑人每與公對案下
食葷肉漿酒取給輒止餘則分甘芴腩亦不復少有



異同寢室中木榻絺帷卽案察公亦十年布被而已
此淑人贊之也太君春秋高淑人亦肩差稱老及奉
諱悃悼痛哭不勝喪每細事動稱先姑縷引遺令以
勅諸子子五人其爲淑人出者進士世埏太學世坊
孝廉世教而埏坊皆前天淑人哺其孤雛成佳士當
淑人在室子孫無敢衣錦見者及歿各受室始稍稍
更故時衣子孫每相見輒頰首曰吾甚愧淑人淑人
從官歸嘗舟次沈氏里其姝沈宜人除舍迎之女從
皆更裝候矚屏幕間有頃綦縞入門單率如寡婦問
之卽劉家錢淑人也僕御熟視揜口笑怪其踈質而
沈宜人撫然歎息以爲不如故傳者盡稱劉氏家法
爲遠近鄉里之冠淑人初以按察公主事封安人晚
以伯子埏主事 賈惠復從公階進今封

陳子曰吾讀孝廉之狀按察公也其庾信鮑昭之流
乎若淑人狀則龍門史也江東之家脩腹輕鞋薰香
洗濯此不起單族而起於豪門又不起有檢之緡紳
而起於一二無識之女子司世道者心竊憂之有如
淑人恭儉而有禮豈非劉氏之女宗母師哉劉向范




陳魯公先公集卷之四十五
曄傳列女凡闡行皆得書而後世非刑耳斷髮之流
不編名於史氏則黥婁柳下惠之妻何人哉此余所

力
錢淑人傳也

國家圖書館, NATIONAL CENTRAL LIBRARY, TAIWAN, R.O.C.





國立中央圖書館, NATIONAL CENTRAL LIBRARY, TAIWAN, R.O.C.



陳眉公先生全集卷之四十六

祭文

祭王弇州大司寇

祭孫雪居太守

祭王辰玉太史

祭王季重太公

祭丁改亭大司空

祭朱平澗相國

祭王罔伯吏部

祭楊淇園侍御

祭楊石閭論德


祭黃貞父學憲

祭唐柳所宗伯

祭包心韋太學


祭陶逸則孝廉

祭周公美太學



NATIONAL CENTRAL LIBRARY, TAIWAN, R.O.C.

346616 24



祭范象先太學

孫婿莫高
太暉父較梓

祭汪侍峰

祭郁師古文學

祭陳滬海臬憲

祭韓懷愚給諫

祭何繩武老師

祭袁微之太學

祭顧冲菴少司馬

祭包瑞溪學憲

祭張完伯學博

祭袁非之太學

祭殷方叔隱士

祭陸劬思少司寇

祭包儀甫門生


祭張余峰方伯

祭趙叔度

祭沈孝子父

祭沈若谿

祭王鏡如太守



陳眉公先生全集卷之四十六

華亭陳繼儒仲醇父著



夢蓮古澹父

夢草山賢父

孫仙覺天爽父全纂

祭王弇州大司寇


我明攘夷頓還二擢獨守文章殘氛未掃李何崛起
全力芟夷辟之勝廣斬木揭旗以待龍準非公其誰
公與于麟焚舟而濟初爲敵國晚難兄弟公之虛左



陳省公先生集 卷之四十一
亦有深意以大事小菜羹必祭侍玉皇案遂稱黃冠
公不黃冠胡寧不仙遊金馬門遂稱司寇公不司寇
胡寧不朽出亦無意處亦無心若空嘯風若山吐雲
至人之迹孰得而尋儒者治外二氏治內彌縫其間
兀然一醉香山子瞻差足聯類香山老矣猶恨無兒
公之家庭玉樹參差子瞻半生頭白窮海公擁弇州
得大自在斯文行世大不可量地峙五岳天揭三光
施及重譯以暨梯航家傳戶誦公亡不亡采蘋采藻
稽首中堂公平歸來來自帝鄉

祭孫雪居太守


惟公起自世家出爲循吏蚤歲挂冠退有餘地季鷹
達生仲長樂志豪舉沒身實強人意東臯之上花榭
月臺曲折回互妙有化裁輞川清秘老而不埃錦纏
綺席塗丹捲白擊鼓考鐘卜晝及夕舞袖歌喉老而
不斃好客之癖聞於江東履綦如雲談笑生風坐上
酒尊老而不空爾豪則虛爾腸則熱饑寒借色交游
借舌緩急稱施老而不絕名書法書遠近購求寸縑
是寶片紙千秋硯田長稔老而不愁耆舊共推風流



自命中無俗情戲有律令恒化脩然老而不病爲火
神仙爲貧孟嘗享福則清得壽則康物情不妬上帝
不殃與角缺齒伯道何妨況公高名無脛而走彼青
紫者反落公後誰彭誰殤誰傳誰朽快哉公乎醉我
一缶


祭王辰玉太史

嗚呼弟之與兄別也乃在正月二十五日風雨之夕
誰知此夕竟永訣耶早知不五日而兄去我何不少
畱須臾一視兄含檢耶痛矣恨矣無復何言兄修髯
玉立偉而丈夫不當死筆下袞袞萬餘言典瞻博大
皆有首尾不當死不貪不淫不汰不驕不當死事相
國純孝豈惟父子實則師友不當死居恒動有簡衛
以名教爲己任不當死處事詳整不忍以腹背待人
以惡言加于奴僕不當死一日發數十函書接數十




賓客詞令温洽使人人以爲親已不當死病三載磨
革如削而神明湛然不當死手書遺令皆正大忠厚
卽吏部沈公六尺孤倦倦念及之不當死生長富貴
又爲史官未嘗享一日之樂不當死嗚呼天竟乃死
兄耶病中執手告予生平雅志未伸大事不了名位
勛業姑且置之其晁不釋然者母夫人有狀有銘有
墓而下癸未有日妻子皆寄淺土而下壤未有地父
年譜纂文章疏稿未刻義田學田役田鄉塾尚未舉
學憲公尚未嗣性好解語孟尚未成完書詩文困冗

困病尚未就一家之言一子孝謹甫十八未省其成
立若何是數者天憐而活我我起迫行之若其不幸
是在吾父與二三良友而已子時聞兄語點首嘿嘿
以應淚從腹中落已痛不可忍退而飲泣避兄之後
園旣見園中橋道亭榭花木依然追憶與兄少年讀
書于此嘯歌臥起于此益爲之嗚咽不自勝頃之兄
又趣人邀予以入予以爲更有身後事則口中荷荷
微言歲荒民灾唯有煮糜哺飢請告之吾父亟行之
其意念乃如此假令兄不死決能毀車刑馬終身不




問出處又必能傾度倒廩不憚爲德于鄉蓋兄于天道惡盈人情忌滿之際已諗之熟矣而又重之以篤疾加之以外侮故垂絕彌留孜孜以振窮給乏爲主兄真晏子范忠宣之心也嗚呼天竟忍死兄耶兄少子三歲弱冠以後卽同研席同聲同調蓋文字交也兄居長安予居山中喧寂各天而予則數勉兄以利濟之事兄報書云仲醇事事可及惟爲善不可及蓋又進于道義交也及兄病中予詣榻前兄猶問有何善事可行隔一年不能以口問以筆問矣又一年聲

音如絲髮舉筆如舉杵卽善念種種而兄亦不能達予亦不能動瞠目相視付之無可奈何兩情宛轉又可謂死生之交而交無餘幾矣嗚呼痛哉嗚呼痛哉言及至此五內如裂伯牙之絃一哭斷絕兄病未危曾不下筋飲食甘香今豈知味滴酒三勺莫聞吾語人世黃梁熟而熟矣



歐陽文忠公集卷之四十一

三



祭王季重太公

初王使君領青溪牧延余後堂不設絲竹出見太公
衣冠古樸背如斷山面如堅木蠕言螳動悉中簡局
潛德升聞厥由式穀使君恤民為漕爭粟忤當路歡
言返初服太公曰可喜見眉目再起袁州出門折軸
太公怡然願甘水菽隱居優游家範雍穆膝上弄孫
簷前偃曝上壽修名亦云完福使君代興劇心剗腹
手提正印文苑遜獨跌宕縱橫壓倒耆宿別有千秋
豈雁百六緬惟太公懸壺輦轂人號藥王枯骨再肉

東坡先生集

卷之四十一

六


祭王季重太公



使君鵲起朝吟夜讀弱冠登朝連姻甲族帝賜歸娶
其人如玉太公操之刈薪濕束年垂知命呵詈猶續
長跪受杖作嬰兒哭是父是子可愧薄俗嗚呼賢哉
曾聞雲門山深水澳游客戾止鬚髮皆綠我欲渡江
避兵崖谷穴泉引瓢架樹苦屋追隨太公如伯似叔
何期但化電光風燭哲人云亡酒淚盈掬老不越疆
遙薦杞菊


祭丁改亭大司空

惟公六朝人瑞四海儒宗九表元老三代家風年彌
高而德彌劭禮愈卑而智愈崇既內省之無疚又中
道之從容句邑作令風夜在公樽節愛養廟食穹隆
考擢侍御衣繡乘驄張修劉怨遣按遼東搜求駐穢
汚蔑精忠公謝不敏投劾歸農十八載餘半痴半聾
江陵敗後公漸顯榮出入別歷多在南中莫敢暇佚
莫敢彌縫倡率衆正有大司空嘆功令催科之太急
痛民間杆袖之已窮膚粟者爾孺腹枵者爾春骨暴




者爾瘞益覆者爾通粟以萬石計帑以萬金計四荒
四賑而未嘗露驕吝之色與厭倦之容施仁布義直
達 帝聰 上爲賜宮保樹楔棹而公懇辭堅確再
疏謙冲衣蟒腰玉爭者如夢中之蕉鹿而公視之若
雪爪之飛鴻自耄及耄髮白顏童兩勤 存問朱轂
黃封偃僕載拜不杖不節某等捧觴上壽樂觀 熙
朝之盛典更喜見數千丈之蒼栢喬松何逾隔歲騎
箕上宮嗚呼痛哉嗚呼賢哉濟人利物樂與人同子
孫羣臣踴躍以從猶布帛粟菽而饑寒立起猶參苓

著水而疾病可攻范文正豈能再得衛武公何日重
逢將無化卿雲甘露時雨和風精神旁礴于朝野之
內使處處民安而國泰家家歲穰而年豐也耶清香
一炷清酒一鐘靈神不昧光射雙瞳




祭朱平涵相國

當公柄政貽書山中出處雖異顯晦原同以子易我
其樂融融以我易子恐輦子容余笑答公各安故我
險棧完車急流抽槽公盍歸乎餘勇罷賈自公歸後
絲綸掣鎖丙丁之交有雷有火血濺帝闈塵埋王路
北寺黃門吏踞如虎伴食何饗押尾何瑣訊公踪跡
綠野平泉身超物表氣動幾先青門帳寂恭顯盜權
卷舒旣早鉤黨難牽萬里濯流千仞振巖冥鑪不鑄
曷有橫錢鄩杜不拓肯問莊田舡艫在門綸竿在手




尊香蟹肥鷗長鶩久西雲南茗汲清釀酒褐父田庚
素交道友客來不問書到弗剖銘釜畫麟眎如芻狗
鄭公設榻堯夫是期古人雖遠風流在茲數年一覲
還我鬚眉經歲一函滿署相思談芝討桂絕口梁炊
獨餘著述不禁淋漓覈衍長編約依大事雅擅三長
新標五例國體就綜物章始綴采菽中原發鏞金匱
璇琰垂成公何不俟箕尾驟騎雨霖收沛歷馬驚號
三星隕地人亡之悲咸曰殄瘁鄧禹諸郎一菘必精
殿門內七業正興忠清之澤奕世覃深平康之福

尚載謳吟維公知我我悉心老手醫國詎可復尋
拭淚問天雲漢垂陰




祭王岡伯吏部

今海內屈指世家曰瑯琊文苑曰弇州而前未有擢
解額者自兄始未有官吏部者自兄始兄非特不愧
科名而抑亦不愧司馬公之孫與司寇公之子節俠
填胸交情透髓片言懸合則頸可刎肺可揭傾蓋而
遂稱知己若其不然則露靛戟指不能少忍如下坂
之丸脫弦之矢蓋習兄者信其無他而驟接者疑其
一意孤行而無侶故甫登要津遂放黜于田里人望
益歸三召尚璽若幸而咫尺之命下兄必拔茅連茹



進羣龍而驅狐鼠胡天不造遽奪之紀朝野皆嘆兄
惜兄而不知兄之瀕於死者數矣昔在儀部爲東
朝爭冠婚爭冊立幾欲濺血闕下以成希世之舉兄
激欲死妖書之禍斷螻蛄而履虎尾兄怖欲死恩遣
爲民短衣蠶帽策蹇驢而同窮旅一飯數驚一夕數
徙兄愁欲死同心諸賢連鷄不飛寒蟬不鳴而皆圍
圍焉蟄伏於蓬累兄憤欲死欲死不死而今且死吾
不意兄之壽遂止於此瞽腹盍背帶腰不移聲洪而
狀偉可以不死經營乎花木臺榭旁及於鼎彝圖史


心敞而志得可以不死小物克勤壯心未已高談生
風落筆散綺神王而氣揚可以不死可以不死而死
吾不意兄之壽遂止於此魏夫人未入土兄不當死
李安人未卜壙兄不當死弱女未嫁託孤之子未婚
兄不當死性負剛氣多皎皎而錚錚腰無媚骨恥諾
諾而唯唯唯天下想望兄之出以扶正類以定國是不
當死不當死而死吾不意兄之壽遂止于此嗚呼豈
所謂慶弔相伏盛衰相倚豐其枝者弱其幹與其角
者缺其齒者乎幸而有子丈夫直腸快語以赤手治



陽春公先生集 卷之四十一
喪以苦心事母交廣則金湯有人族大則鼎鑪有耳
含飴則家有芝蘭典棘則門多桃李何目不瞑何事
不理兄亦宜長嘯於九原而追隨乎二美況長安如
奕棋人生如傀儡何愁何怨何嗔何喜何彭何殤何
仙何鬼又何必紛紛於是非之蕉鹿戀戀于功名之
槐蟻請浮白大笑而隱凡生平之交盡于一詠


祭楊淇園侍御

我公居鄉則澹泊寧靜立朝則忠厚正直臺中呼爲
真御史吳下推爲真導師急流勇退於璫醜之先講
學談道于湖山之下出處無玷心跡雙清吾無間然
矣頃者 聖主乘乾明時開泰識者方將推文章之
宿老禮樂之名卿以展八面之經綸以備 九重之
顧問而不意脫屣辭世騎箕上天寧獨鄉邦之不幸
亦朝野士林之不幸也若儒之痛心則有更進是者
儒本小人未聞大道公於巡方之日特疏薦揚願甘



連坐幸而雷章不下儒亦得逾餘生不然且將披髮
南山之南北山之北矣自來天道忌盈人情責備忽
以不急之事加于至不才之鄙儒衆目睽睽胡可掩
也衆口嗷嗷何可扞也無過之獲謂之禍無實之名
謂之盜公推轂過情儒獨不慙欲死惧欲死乎數年
以來公與儒踪跡甚疎而洞察本懷甚悉嘗謂董思
老云今而後知眉公絕意進取無所綠飾白駒不可
繫黃鵠不可馴也至是公稱真知己而儒亦不屑以
感恩待公矣昔者徐孺子嘗謝太尉黃瓊之辟瓊卒

孺子負糧徒步走江南炙鷄絮酒設薄祭而去崔司
徒欲屈膝考投詔書於夸懷中夸不顧崔卒夸素服
受鄉人吊唁此非古人報知己之已事乎儒今者開
門受爭雖未能遠同畦叟而炙鷄絮酒亦庶幾不愧
南州自今以始惟有汲濯餘生保全末路無以國士
負公無以知人累公此儒之終日若惕永矢勿諛者
也公如有靈其嘿鑒之尚饗



陽春先生集 卷之四十六

四

祭楊石岡論德


嗚呼人孰無友知心實難寸心苟異離合多端外雖
膠漆內寔沙搏和合之土終必破九惟我與兄終始
金蘭當兄未遇蠹死螢乾公車載牘屢罷春官憔悴
低迷仰屋而嘆餅罄壘耻對客捐歡余時過從慰爾
歲寒代兄教子漿藿共餐涕笑錯沓往往夜闌建兄
鼎貴視草金鑿故人千里郵及羽翰匡以道義母受
世彈吏議鄉評罕索垢癡兩人如龍或飛或蟠兄無
我驕我無兄于鐘鼎山林彼此俱安病榻之際彌覺

東晉公先生集

卷之四十六

十五


祭楊石岡論德一



盤桓苦言藥石余心頗憚猶冀神明相爾衰殘何期
別後竟戢一棺新堂未塋素幕改觀氣象慘惡道路
汎瀾余何人哉痛殺心酸

祭黃貞父學憲


六橋三竺辟若園池不有主人孰領略之乎泉朝川
非粉則脂公於湖山狎若縞綦一壺濁酒三百枯棋
風花雪月日日有期客來公出公去客隨名僧揮麈
名士執箕琴簫畫船間擁鼻比生斯長斯歌哭於斯
宦路難乎夸者自陷炎炎易水切切易縵雖有濃羶
不如簡淡幸公當時不爲臺諫南曹建禮西北秉憲
徐步周行自收竹箭桃李不言蹊成自見良玉耐焚
純金耐鍊長嘯歸來烟雲滿面福地洞天靜者得占



繡虎文昂換羊書賺弘藥風流在其月旦紛紛世局
屢戰玄黃公也旁觀獨濯滄浪不知田竇曷問金張
鷗閒鶴懶鵠時鴻翔憂時有泪江湖忍忘勿弔張讓
何損和光勿記南園始遂清強歛還正氣歸之浩蒼
荏苒改歲公在蓮鄉有劍未挂有絮未將素交之誼
老泪千行其泪伊何凍爲雪霜孤山梅畔欣我一鱗

祭唐抑所宗伯


人生何嘗造物茫茫廿年事業一枕黃梁憶兄南城
桑戶葭墻蘭入束薪誰采國香寒壇濁酒語必昏黃
招視而笑富貴無忘剖玉三獻人驚夜光垂翅之翼
化爲鳳凰錦衣東歸四牡乘黃彼其之子蒲伏道旁
名位愈灼賓親滿堂觥籌笑語爭道吉祥顧而事我
兄色獨莊我亦道義惟兄是匡兄謹謝教書紳以藏
旁及鄙撰錄付奚囊兄之重我豈爲文章同心之言
各有攸當兄有正氣如三秋霜兄有堅守如百鍊剛



兄有冷面惡圓喜方兄有熱腸植弱鋤強兄炤當空
魑魅潛藏兄魂升天野鬼跳梁安危所繫寧獨故鄉
假兄相位度必見長爲范仲淹爲司馬光天胡不仁
殲此棟梁

祭包心章太學


我之交兄繇兄大夫忘年忘分小兒見呼兄遂買棹
訪我菽蘆人生之樂莫樂新知兄之知我非止文詞
親之所愛兄亦愛之從此與兄笑而莫逆兩無愧心
亦無愧色歲寒之盟庶幾無斁何期須臾奪以暴疾
考鐘鳴鼓叩神露禱不獲所請中道而天人孰無死
兄死何早人孰無死兄死於孝兄乎足矣夫復奚悼
所可痛者兄有遺書塵積滿牀所可念者兄有遺胤
影弔空堂性喜義俠解紛息爭誰如兄者爲俗干城



陳省公先生集 卷之四十一
性喜好施賑孤恤寡誰如兄者爲人外府以兄之器
芙蓉寶鏢千金未售神銷光落以兄之才桃花寶騎
千里未馳髯枯纓墜客歲仲秋落羽南旋我來憫兄
手跡一編歎息不遇壯士無顏我心許兄梓之以傳
剗剗甫就竟焚柩前嗚呼哀哉兄旣先逝長踣復歿
朋好幾何零落殆絕譬彼中天曉雲殘月感念君子
百憂中結

祭陶逸則孝廉

嗚呼哀哉相兄之文委蛇春容當其快意世無兩雄
香象渡河金翅摩空拔趙易漢當幟南宮相兄之品
旣恬且安腹無鱗甲舌無波瀾貧有泰色交可歲寒
坐失陶君一席鮮懽相兄之貌碧瞳丹輔爛爛者神
汪汪者度滄之不濁嘲之不怒求諸死法未得其故
公車一蹶遂畱神京京塵化緇誰尊客卿孤舟南還
囊如葉輕歸卧故廬感然憂生吾視牀弟瘦骨稜稜
醫技告單遂以訃驚嗚呼哀哉兄有草堂僅餘四壁



兄有石田瘠不可食兄子丈夫尚未成立兄志冲天
戢棺六尺死友何人入土何日嗚呼哀哉一歲之內
長朋間作兄與辰玉同游冥漠琴奕觴咏笑言如昨
君復能乎念之涕落

祭周公美太學


授經樵李門多三益有客到門顏朱額白則惟公美
神觀奕奕一見傾蓋驩如夙昔彈史徵文聚頭磕膝
交誼彌敦椒蘭膠漆君訪南皋乞墓中石旋遊八閩
詩草五色屬余序之才譽籍籍每歲過訪笑而莫逆
月下花前籃輿蠟屐騰斗飛觥遺簪墮憤不知誰主
不知誰客君去我思我別君憶尺牘壺漿雖遠必及
肝膽可并形骸非析歲寒之交直透金石郎君名士
氣義豪特中道分飛能無心惻猶有佳孫文行埏埴



陽春先生集 卷之四十六
朝斯夕斯老不寂寂半病半起稍慰眠食醫藥勿效
竟爾易箆計音不聞河漢懸隔僧來告余痛淚欲滴
嗚呼哀哉誰復如君騷人文伯誰復如君浮紅捲白
誰復如君素風世德誰復如君綺心俠骨不謂不驕
不詭不激坦坦砥平隱隱繩直縣令詣門上卿側席
玉山長頽金穴無癖俯仰死生終成完璧儒也衰憊
桑榆景迫欲造几筵跼拜無力乃命兒曹稽首哭泣
冥冥之中知非緣飾不朽吾兄後死者職寸衷弗諼
兩質曠日

祭沈若谿

嗚呼我公德矩爲世圭璋經笥筆陣宿擅詞場門人
輻輳北面官墻壬子入棘名舉于鄉穀子食子更推
義方長公先登公猶待詔姑借廣文東方司教目解
全斗學窺半豹絳帳風寒青羶月炤擊節發蒙窮微
極奧士快得師人稱有道薦剡騰上才品實奇百里
之任安往不宜景寧斗大未究厥施山深賦少馬踏
官饑但容酌水聊爾哺糜骨見衣表腰減帶圍一疾
不起千古成悲廉吏之報遂止于斯長公奔訃夏日



陳省公先生集 卷之四十一
炎威十步九蹶喘弗續吁拊棺號慟去死無幾計還
旅觀峯高路危羊腸鳥道萬仞難梯仰天祝天淚盡
血隨七月之朔風雨披靡陡然水發取道他岐水陸
更迭晝夜崎嶇邀有厚幸獲返藥裡鬼神祐善人曷
能爲靈過錢塘萬口前令聞令扶喪祭奠響應洞巷
傾城送迎出境公未蓋棺輿論久定逢掖上書臺察
報命入名宦祠揭後賢鏡生榮死哀兩浙稱盛祿無
五斗貴無三徑不知者弔有識者慶少子翩翩雙
超乘長公家督孝友爲政公目可瞑安心已竟

祭王鏡如太守


古人有云福德相承如鼓答桴如鐸召聲德全福全
全人乃成公與眾甫文苑聯盟一朝鵲起佩玉鳴金
宰閩及台心跡雙清宜超臺諫乃拜廷評自棘出守
故老歡迎儲穀不饑編役不爭正已率屬駕熟就輕
謳吟載道實政實心俎豆者氓香火者僧借寇方切
拂袖遄行急流勇退鬢髮未星公禁棄女生氣滿盈
孝廉侍御艱子得嬰眉目圖畫繞膝寧馨讀書上口
琅琅可聽仁人之報玉樹森森晚年閉戶納息鍊形



陶翁先生集 卷之四十六
胸無柴柵貌無府城豪無美俸門無雜賓推心欲置
椽皮皆真和平坦易跡享遐齡侍御養志遽薄簪纓
督率弟姪甘毳頰仍花朝月夕安車來臨元宵之會
宴賞華燈朱顏白髮鼓瑟吹笙爲日幾何騎鶴上昇
嗚呼哀哉父子師友賢孝繩教以恬淡子必銘心
遺以清白子必服膺不愆家法不玷官箴推本所自
端繇過庭鄉飲鄉賢輿論所憑學宮之側虛席以登
梅花山釀敢告冥冥

祭趙叔度

嗚呼曩兄期我信信宿宿何以畱連虞山之麓何以
供養香清茶熟爾時書院冠蓋雲逐我諫令君退空
空谷今乘素車乃拊兄哭遺言在耳遺容在目松影
泉聲傷心感觸嗚呼痛哉余意庚子授經瑯琊兄亦
避誼寄迹外家一見驩然兩心則遐我實兄瑜兄不
我駁始而論文賞嘆靡已深造之言心精詞綺嚼微
含商飲羽没矢唾涕笑談可拾青紫旣而論事如石
投水抵掌古今洞徹骨髓屈指交游推見清穢奇岸



磊砢偉哉男子久而論心幾忘爾汝爲人急難靡憚
風雨泣血相明義格神鬼惠鼎布諾懸於片語吳閭
客歲夜談扁舟鐘殘霜冷兄不得畱豈期此別遂訣
千秋嗚呼傷哉人生實浮恭惟少宰手摩豺虎投荒
召還有讒帝所忠憤填膺百無一吐未了之事待
兄而補何天奪之氣竭三鼓猶賴伯季振其遺餘衛
寡及孤泣血漣如城有故廬篋有藏書清白家風豈
惟菑畬嗚呼傷哉乾坤草露勲業荷珠古來賢聖誰
其久居況此末世對面九疑煎若鼎沸戰若劫棋

皤黃髮蒿日攢眉疇如兄哉神馬尻輿

嗚呼死生亦大矣春生送死人子之責亦大矣乃
輸之事翁其於生也兩無所憾則死人所難當翁
病危也孟端甫十六禱天不得哉身叢塚大樹下刀
剝股肉投羹而進之翁始得活余比時授經沈太僕
聞聞之延孟端上座令諸弟子拜堂下孟翁居其




祭沈孝子父

嗚呼死生亦大矣養生送死人之事亦大矣乃孟
 端之事翁其於生死兩無所憾則尤人所難當翁之
 病危也孟端甫十六禱天不得戟身叢塚大樹下刀
 剗股肉投美而進之翁始得活余比時授經沈太僕
 闈聞之延孟端上座令諸弟子拜堂下孟端堅謝不
 敢當余乃上其事於太守喻公令張公喻公賜粟帛
 張公賜花幣鼓吹導之馬上父老子弟因爭欲交懽
 孟端并識孟端父矣孟端從余至涇上顧涇陽兄弟

翻黃髮蒿日替冒壽吹只趙輒濕吳輿


丁秋嗚呼傷哉人生苦短奈何
 召還有議 帝所忠誠 功高無
 九而稱何天奪之氣 聖三鼓符 願伯季辰 聖諭
 吳及孤泣血漣如城石 哀哀有言 書清日家
 惟勤命嗚呼傷哉 乾坤 乾坤 乾坤 乾坤 乾坤 乾坤

卷之四十六





待孟端甚莊贈以金還至吳門周天球寫蘭贈孟端
比後李太守思絃賦古詩贈孟端直指李公賜楔棹
旌孟端孟端以此得聞於賢士大夫簡括修謹賣卜
旁學癰疽醫稍稍得甘毳以養翁娶婦得子而翁亦
日解願翁之養生於孟端手者如此孟端少有至性
壯年如若辟除董血有名僧至圍蔬甕粟出與共之
翁日聞輪轉因果之說齋素如佛弟子夫人子漿酒
霍肉以事老親寧問乾竺書然翁昔鼓刀爲屠若因
米果真則輪轉不妄今老而事佛懺宿愆消殺業非

孟端以苦心化導之翁肯放下屠刀乎翁之送死於
孟端手者又如此夫養生送死無憾孝子之能事畢
矣翁目可瞑翁神不忤逍遙人天終歸極樂



祭包儀甫門生


吾於病中陡聞子訃浪傳得真搥牀幾破痛絕心肝
酸淚無數瘧疾轉篤三月僵臥哭子遲遲職此之故
吾昔與子蓋有三願願子元魁子取如券願子廉吏
子甘蔬飯願子名臣子官鐵漢循良之譽自楚遠來
將子考選非省則臺子視功名如風中埃子視權貴
如竈下孩豈惜正言聞闔可排豈惜任怨車輪可埋
進能致身退能乞骸用物甚約天不子裁與世靡就
衆不子猜何期中道權天下才客魂旅櫬朝野纏哀



嗚呼痛哉吾昔別子握手虎丘三湘一去僅托書郵
子祝我隱齒剛舌柔我祝子出寧弦無鈎愛惜景光
爲千秋謀反窮性命爲二氏游笑指青山相期白頭
白頭未終黃梁已熟笑乃轉涕老反少哭九闔安知
百身莫贖子弟實佳子當瞑目包氏有人堪繼孝肅

祭張余峰方伯


惟公性溫良氣容與畏羶途憚苛禮削廉隅鋤營壘
與人交揭心膂與人談呼爾汝我醉欲眠類淵明之
真率日出科頭似管寧之晏起五載東陽九年郎署
與吳淳夫同寅而袖手不掌職方與崔呈秀同門而
絕足不阿權貴大節皎然小心自喜何羨蠅頭何蹈
虎尾看火燭之亂投笑冰山之徙倚觀察則清淨絕
塵右伯則淡泊如水或賦詩或隱几解魚鳥釋囚繫
裁野蔬灌庭卉衣三洗食單簋且嘯且歌爲湖山之



蘇白方內方外爲衣冠之巢許既用物之不宏庶遐
齡之可擬何爲乎絕其伯道之兒并絕其中郎之女
五日病危七尺已矣丹旄素旌返于故里空山蕭蕭
空齋偶同伴者衲僧啼者麀鼠哭泣無人我淚如雨
斗酒炙鷄永訣知已

祭殷方叔隱士


古者六十不越疆弔我來哭公厥唯同調憶昔丁酉
授經秀州如蘭之交渺焉寡儔側聞高賢曰殷方叔
栖寄西郊褊裘草屋杖策訪之讀楮廣賦爛然天真
居然德素既得其父復得其子父子挑燈丹鉛經史
隱德升聞多長者車生皆立傳登邑志書遠近男女
延以視疾窮巷陋居偃僂以入沉疴立起清譽益章
肅之賓筵祭酒于鄉溫溫恭士謙謙吉人身名俱泰
洽比其隣友愛諸季存養太公諷日卜壤窆之玄宮



陳省公先生集卷之四十一
是咨是謀則唯我卽公醉我山我醉公室析俎卜尊
累日及夜忽別三年公作逝者嗚呼哀哉伯承郁子
號貧孟嘗二三兄弟畢集草堂郁旣蚤世子逸繼之
落落晨星元雅舷師叔祥懿親南北各半觴詠之會
幾不我盼我亦老矣齒豁頭童袖手炙背爲圃爲農
死非不朽生亦何適得全全昌公寔罕匹亦已焉哉
飲此一滴

祭陸劬思少司寇


昔者文定如雷如霆震於朝野稱三達尊晚年舉公
偉若天神聲撞洪鐘目閃曙星早掇科第辭試詞林
行人之官以示不爭獨子終養上疏陳情伊朝伊夕
爲雛爲嬰兩賜存問遣使神京緋衣白髮驟乘郊
迎垂百遊岱祭葵易名公襄大事生死哀榮磊磊落
落皎皎錚錚屏跡郡縣衆醉獨醒薦剡歲上召拜列
卿高風勁節克紹家聲二豎偶崇半體不仁臥疾里
第冰玉雙清拜南司寇蟬蛻鴻冥嗚呼哀哉誰復似



公操守光明誰復似公氣誼崢嶸誰復似公議論和
平誰復似公心地清寧誰復似公學問淵渟誰復似
公筆墨精靈誰復似公勿滿勿盈誰復似公無黨無
朋巍峩耆舊卓絕典型朝廷福薄奪此正人未了之
事以待後英嗚呼哀哉憶往仲春訪我茅楹剪蔬刷
笋酒瓢對傾何期今歲形影難憑青山寂莫紅雨飄
零老淚紛如痛此人琴

祭張完栢學博

麟鳳所至其國必祥蘭蕙所植其草必香賢者所居
其俗必良穆穆先生善葢一鄉引繩而蹈畫地而將
視聽無愆顰笑必莊屏去械數洞見肺腸不受關節
不納奔女冥行隱德可格神鬼屢上公車一官聊止
首宿青氈門清似水家無負郭門無俗軌心無炎涼
口無臧否手一遺編以送殘暑如周元公如元紫芝
伊室甚邇伊人可思舉公賓筵三讓三推公既避名
名亦避之歲時粟帛在浚于旃終公之世罕及庭廬



猶幸百年永言丘壑起儒廉頑挽浮敦薄何圖返真
竟騎遂鶴某卧泖上病魔躑躅生芻不前我心則忤
敬奠一觴告我先覺古貌古心宛焉如昨

祭袁非之太學


維我非之可友可師生若故常歿乃繫思少紆父難
檀斯豪斯羊腸虎口奉全以歸晚錄父集朝斯夕斯
蛛絲蠹腹卒全以遺新安新建為公祭酒方拜三公
書不一走元徵開之為公社友既歸九原時挂其口
公節而依公正而厚公狷而狂公孝而友才高不售
數奇不偶十上公車人涉昂否乃課菑畬乃投山藪
較雨量晴田庚溪叟凡君所至無問鄉城老稚攢匝
側耳以聽望而知之必袁先生以公之雄入對 九



重借箸畫笏必移 聖聰以公之餘出使虜夷口折
舌擊必申國威公時則非公人則是州郡之職未獲
少試公不問天天則公耻其生也奇爲天下士其夢
也奇爲閭老子客歲之言今猶在耳不遇何悲不承
何畏公平有靈許我 一醉

祭顧冲菴司馬


嗚呼將相公侯草腐葉零伊誰七尺繫國重輕於鑠
顧公寔惟千城九重毗倚四夷知名日若閃曜貌若
天神高談雄辨能驚四隣沉謀英槩能奪萬人聲色
不動嘿殲浙軍公曰肖甫有張中丞七子詞場跳跋
縱橫公曰弇州有王先生建節遼陽談笑胡塵半壁
不動斗極長尊經畧朝鮮肅清海氛後事之師以付
諸君鼓刀而藏口不言兵帝則咨汝無踰老臣爲馬
端蕭爲王文成天胡奪之失此巨星某本布衣耻謁



公卿公乃先施手札相聞生死一面終負幽冥嗚呼
哀哉誰能如公應敵設變指揮若神誰能如公胡維
夷種廝養家庭誰能如公財帛糞土分賑親朋誰能
如公位登制府產謝中人功德則俸食報未盈以嗣
以續端籍二卿

祭包瑞溪學憲


嗚呼吾公竟至此耶悠悠人世其足恃也憶昨客冬
別公言歸徘徊中庭霜月滿衣問余來馭燈以爲期
十三之日猶勤手書何知訃音旋起須臾何知永訣
乃在河湄嗚呼哀哉知公如此恨不當時抵掌促膝
知公如此恨不在坐嘔心盡出知公如此恨不同遊
青山白石知公如此恨不徵歡朱絃錦瑟知公如此
恨不逍遙扁舟竟日知公如此恨不笑談清燈彌夕
嗚呼德無全福仁無全壽賓黨驚疑余哀獨疚孰如



吾公忘年而友孰如吾公忘形而又孰如吾公知余不苟孰如吾公望余不朽家人國士知己感恩乾坤落落罕見此人鍾期絕調鮑叔孤墳一腔血熱千行淚零何以報之歟日寸心實聞斯言賢子若孫其以微忱告諸姦人

祭何繩武老師


師與君親義等在三星拱北如車指南山頽梁萊弟子何堪撫今追昔涕淚潏潏四十年前執策請正叩鐘必嗚呼谷必應字字中鵠言言超乘經師人師承若律令躬行孝友腹笥典墳才能摩壘試輒冠軍壬午之戰干斗凌雲春官屢格筆硯乃焚勉拜一官爲越司理三尺不撓四知是矢直道難容達人知止歸去來兮某丘某水心事豁達重門洞開園林日涉賓從與偕燈懸步障花滿樓臺明月在樹涼風入懷



容散之暇耽心著述家業之外排續六籍邑志類錄
老而不息價重鷄林各走象譯望門及廬爲陳仲弓
解紛排難爲陳孟公長吏請益後輩景從昌言慷慨
豪氣沉雄豈期帝者召之遊岱賦詩彌留蟬蛻尸解
有子兩賢詞山學海蓬蓬天蜚師笑以待

祭袁微之太學


嗚呼世不識兄沒而獻嘲知心惟我反哭爲謠兄本
丈夫氣誼甚豪游神竹素瞠目雲霄旣綜經術旁擅
風騷視掇一第如劔吹毛胡期數奇造物汝驕感憤
用壯破其寂寥脫身俠游紅樓素綃更走塞下控馬
射鵬黃金垂盡肝膽難消豈傍妻孥米鹽細瑣豈向
市兒足起眉嫵豈握牙籌賤同上賈豈挾虫編敗如
降虜日月朝三乾坤格五誰猪誰龍誰鼠誰虎殤子
彭籤等于破釜正寢孤魂終歸客土兄本仙遊含笑



陳省公先生集 卷之四十一
千古未了之事有兒能補

祭陳滬海臬憲


往公春秋七十八十余操文而祝之曰如元城不通
政府之書澹臺不濶子游之室公以竹素堂集徵叙
余操文而叙之曰公三鼓而氣不衰百戰而鬪尤力
老筆紛披如歷德順憲穆敬文武七帝之劉夢得公
笑以余爲知言而余亦自負于通家知己之籍其未
盡公者公能散千金活溝中瘠公能掉三寸解里中
厄公能急窮交解衣推食公能引後進倒屣設席公
能傾北海尊公能延南州客門停米家之船園卧到



陽春先生集卷之四十一
公之石載咏載觴匪朝匪夕其氣則萬人必往其介
則三公不易雖是非太分明賢愚太揀擇口不諱雌
黃眼不移青白而實則皎皎錚錚使纖鄙爲之汗顏
脂韋因之有骨其抑古之鐵漢而邦之司直乎公之
存也可以砥末路之風波公之沒也翻以叢不情之
鋒鏑更何怪乎毀巢之梟與同舟之敵孝子孤兒憂
心戚戚尚其相之以保元吉天定勝人終成完璧

祭韓懷愚給諫


古人定交厥多古道得一端人告於禰廟余與求仲
誼亦非淺拜父登堂未叙斯典曩翁八十客徵壽詞
余言不腆以佐酒卮公醉點首是寔知我隱德苦心
得子而吐知公何如爲吏而循有三不忍格于鬼神
不忍屈法以成罪人不忍曲筆以污正人不忍贖武
以織徭人善積慶餘聲聞帝座求仲兩元職斯之故
賀者在門公遜不驕妬者入朝公笑不哂特駕鹿車
時撥魚翅花香月白水滌山凹事又天定公論洞燭



陶翁公外生集 卷之四十六
青蠅之矢棄玷拱玉玉有定價玦化爲環環賜在邇
翁去何遙吳興素封謂翁也甲簡點遺賞竟橐槁葉
生畏人知歿乃見廉凡百君子無信人言我是醉翁
莫敢筐篚清白比德一杯茗水


祭汪侍峯

語云無言不酬無德不報此言人不相負也又曰天
道無親常與善人此言天不相負也公客吾松幾三
十餘年人有以緩急告者告無不諾諾無不應應無
不滿其願而去不責券不記姓名歲月久則并其子
母錢俱化爲子虛矣公不得已索之故所貸者貸者
唯唯詣門則闢人辭遇諸塗則障扇避甚有當面若
不相識明知公之蕭條旅食出不能具舟車歸不能
見妻子而無意還楚弓完趙璧如故也吾嘗聞一二





縉紳負公至千金以宦貧不能償以身死不得償其
不貧不死者是宜無辭以謝公而無意還楚弓完趙
璧如故也公以此身家懸磬進退觸藩隱憂煎其中
窘迫攻其外交遊笑其旁而病且歿矣歿之日一棺
戰身六親無倚徒寄空櫬於郊墟曠野榛莽破寺之
旁嗚呼人負公耶公負人耶公負天耶天負公耶公
雖不言諸君寧獨無愧於胸中公雖不起諸君何以
他日相見於地下此余所以感慨唏吁具壺觴率子
而哭之非獨爲公哀且哀吾松之交情太薄而取

與之太不分明也



祭郁師古太學


四月艤棹石湖樹抄得君衆中喜出意揮手別去
各自山行明發遇君支硎天平君鬢着霜我髮如雪
感嘆踟躕向晚難別誰料此時遂成永訣嗚呼痛哉
世孰如君夔夔事親築肉掩豆製禾重糶世孰如君
友于兄弟去必分甘來必設醴世孰如君性癖異書
抄寫護藏若寶璠瓊世孰如君好客不倦投轄傾釀
控產靡怨世孰如君赴義如歸柳鼎魯矢人賴解圍
世孰如君多聞直諒片語違心眼裂髯向初受君者



似亦難堪久而有味若蔗爲甘勁而靡他若松耐寒
時露風流中多簡押高談善噉無一死法胡疾而逝
星飛電霎曾不待箒劉不待鍾嗚呼痛哉浮生若寄
修短何常君本達人長嘯帝鄉吾不識者知已難忘
誰護我短誰容我狂誰定我文誰聯我牀久要之語
竟委道旁靈兮歸來歎此盈觴酸風弄笛腸斷山陽


祭范象先太學

嗚呼文正忠宣之裔凡五百年而發於光祿公兄弟
光祿之後惟學憲長白公與兄耳兄少孤依母於陸
中丞外家長白公敬事丘嫂每見兄秀外慧中奇愛
之奇憐之恩斯勤斯日望其長成以慰母心以報父
兄于地下已長白公就贅吳門徐氏轉隨而北余附
書老蒼頭名秀者視之燕邸頗聊蕭不得意余與兄
語狀兄尚少默然傷懷俛而泣下已聞策名賢能書
則喜見眉睫舞蹈不自支又得乙未南宮之報則典



質書畫買舟載牲醴告墓醉數日而歸曰某笑笑孺子叔氏實父我實師我自今以後脫有不給與意外不虞決不忍又手坐視置范家一塊肉也然兄自此愈恬愈和愈加簡括進未嘗造請有司而退亦未嘗得罪於間師三老慈母性嚴下呵詈交集摘之跽則跽賜之杖則杖兄涕泣受之不敢出挺語辨也卽有田廬橐裝悉私諸愛女兄談笑應之不敢苛碎窮詰也猝遇緩急兄問之質庫又轉而問之債家匍匐無不秋毫怨懟也已尊慈棄杯棬則拮据治喪上狀

請旌母節當事者疏聞于 朝表厥宅里又行求善地徙笏林公墓而合葬之其所費雜沓不貲而兄亦蕭然四壁矣賴長白公憫其孝且賢授之廩授之田授之歲餼舉爲義庄主奉而兄不以此自潤且不欲屑屑苟且負叔氏恩修忠烈祠修石湖文穆公祠以長白公增助義田五百畝建學憲祠又曾托余請之孺初毛公刻文正集刻忠宣集毛公之去郡也則徵余去思文勒之穹碑以酬表張之德又石刻文正公手書伯夷頌爲玉暎堂帖以永其傳其種種行事急



先務知大體可謂范氏之功臣而不意兄之遂病不起也兄移居吳門某嘗勸之曰願兄以忠厚培祖德以寬大調人心兄唯唯謝教而長白公亦愛兄憐兄更甚瓜葛相依肺腑相附今中道舍之而去有杯酒誰與驩有心曲誰與謀有笑啼痛癢誰與語有巨細應酬誰與任有桑榆晚景誰與娛兄瞑乎不瞑乎兄欲修范氏譜刻石湖集未就長郎君未冠婚未成立學憲藍田之胎八月矣行且得雄而兄未及與湯餅之會兄瞑乎不瞑乎若夫視財帛如糞土視屋廬如

傳舍少無覲于尊慈長無覲於叔氏赤然一身拍手一笑卽有後事後人學憲首肯之心志之矣兄何必悒悒於九泉哉儒故遣蓮兒再拜而告之吾兄行將爲兄作傳以不寢死生彌留之托尚其歆承引我卮

酒



不寡派生厥謂之升尚其精承傳其武
 強出於此泉浩淵流惠養民再拜而告之吾民百
 一矣自休於專對人學憲首肯之心志之矣民何
 敢舍心無歸于尊慈身無體於民亦然一其時乎

陳省公先生全集卷之四十七

祭文

祭王荆石師相

祭董思白宮保

祭韓求仲太史

祭徐于室中翰

祭徐碩菴公祖

祭俞彥直孝廉

祭王天古孝廉

祭錢昭自中丞

祭陸平泉宮保


祭王弘宇憲副

祭張七澤方伯

祭顧原之光祿

祭章玉叔文學

祭周公美太學



不寡派生顯謂之升尚其精承傳其武
 強出於此泉浩淵文惠垂泉再拜而昔之晉吳百雜
 一矣自本於專對人學憲首肯之心志之矣吳何必
 對舍心無歸于尊慈身無體於對矣赤然一其味乎

陳省公先生全集卷之四十七

祭文

祭王荆石師相

祭董思白宮保

祭韓求仲太史

祭徐于室中翰

祭徐碩菴公祖

祭俞彥直孝廉

祭王天古孝廉

祭錢昭自中丞

祭陸平泉宮保


祭王弘宇憲副

祭張七澤方伯

祭顧原之光祿

祭章玉叔文學

祭周公美太學



祭王文肅母

太夫人

時同友人
徐長孺

祭馮烈婦

祭范配徐安人

祭王文肅元配朱夫人

祭柳太夫人

祭徐孟孺母

祭樵李丁烈婦

祭吳江陳烈婦

祭錢母陸太夫人

祭何半莪母

祭張烈婦

祭張太淑人

祭徐配王夫人

祭王母周太安人

祭顧配鄒孺人


祭王配章安人

祭顧冲菴恭人

祭俞仲濟文學

祭黃葵陽少宗伯

祭沈石樓侍御



陳倉公先生全集卷之四十七

華亭陳繼儒仲醇父著

男夢蓮古澹父

夢草山賢父

孫仙覺天爽父全纂

祭王荆石師相

古云千人諾諾一士諤諤自余事公而始味此語之
無怍憶當乙酉公批余文疑有仙骨恨羽毛之尚薄
時與辰玉同應南舉同罷公車辰玉有志於再戰而



四不公文集 卷之四十一
余則決意乎蓬藿丙戌辰玉別余入都予裂青衿而
招之云盍歸乎來相與逍遙從楊許于碧落公聞而
笑是子也不鳴不舞無乃類羊公之雀戊子領解辰
玉向亨余遁白若旣而辰玉且譽且誹且戰且却乃
寄書戲余爲李文靖而公亦嘆余之不爲名縛辛丑
辰玉上第馳 詔故鄉金羈玉絡公也笑迎幸衣鉢
之有托何期家孫云二辰玉病劇種種衰相如青天
之忽散爲水霰而春花之竟隕爲秋籜晚而司馬再
相召命入雒人以爲慶予以爲愕未幾不祥之事與

不解之詬遂彌天而大作咎者登龍今者羅雀余再
詣門慰公寂寞餘波及之幾不免躑躅之僂嚼然而
心本無他豪傑所覺積霧浮陰漸解漸駁而公已騎
箕尾而游冥漠嗚呼痛哉公忠孝簡于 帝心羽翼
定于 儲幄社稷大計非山澤之所能圖度獨其門
無四知之金室無姬貳之樂不市恩不修鄰不人才
牢籠不名譽雕琢殘花數畦枯菘數着公自諒機心
機事之盡忘人亦訝世情世法之太畧而不知者猶
猜其退而營進坦而藏鑿老而強飯病而不藥及今



蓋棺而果信公邳鄆之夢絕不及于平津之閣嗚呼
冤哉嗚呼痛哉夫老臣心迹不明猶望有朝議之是
非如昨是非不明猶望有常情之恩怨如昨恩怨不
明猶望有天道之善惡報應如昨今天以摧殘人以
謹詠門祚凋謝子孫單弱三者一無憑焉豈月盈必
虧果碩必剝咄不共笑齒不竝角卽公且不能逃盛
衰之數而幽明古今原如此之混沌而舛錯者耶帝
闢茫茫坐視爲虐鬼神憤憤似復和詭物情三變劫
運五濁夫何言哉不知夜壑

祭董思白宮保


嗚呼兄長不佞儒三歲少而執手長而隨肩函蓋相
合磁石相連八十餘載毫無間言山林鍾鼎並峙人
間昔也兄未登賢能之籍孺已脫屣于青崖白雲之
巔兄不我迂我不兄羶戊子己丑科第蟬聯屢進屢
退游書畫禪 神考選之中秘 光考列之講筵今

皇帝擢容臺以備顧問掌詹事而寓優閒上書告
老腰玉歸田正席八座之上疏恩三代之前兄之祿
位侈矣赤心耿耿在臆黃髮瞻瞻滿頭馳驛三千里



陽春先生集 卷之四十一
郡邑拜迎于車下介觴千百歲親朋喧噓于道邊兄
之壽榮矣揮毫拂素華大如椽擘擘夏電簇簇春蠶
四方借牘筆以衣食者養妻子鬻金錢傳播于外夷
絕域流通于廣廈細旃而藩王中貴曾不得其數行
之墨與半幅之箋兄之名光矣大矣爵上公而進退
不愆享上譽而福履不鏘躋上壽而香山維社直與
不佞平分清風明月之權所未至者宰相耳宰相如
小兒緊鞋襪外雖可觀內實不快十九壁碎十一瓦
全而兄不然枚卜命下追鋒召之前席問之錦而入


縞而旋素旌丹旆哭別于春明門外者纍纍滿長塗
大川而兄不然璫祠穢天下狼狽入冰山之案虜騎
薄都城倉皇避烽火之烟而兄不然四大分張宿孽
熬煎被諸痛苦兼受惡纏而兄不然古之遺命或分
賣香履于銅雀或垂戒木石于平泉爲達者嫺笑爲
識者痛憐而兄不然兄亦何戀兄亦何牽雖祖京年
穉未婚而婦翁如王太常者夙聞其家範之端嚴雖
子襟未青而名師教之名兄輔之豈難一博士弟子
買賜郵賜謚諒 朝廷必且耆舊簪履之惓惓而奚



陳禮公先生集卷之四十一
四
侯子孫懷乞與束帛之箋箋道裝入木道貌如仙朝
上帝于九闕謂祖考于九原其生也順其歸也全老
友一杯攀告几筵高山流水琴斷無弦

祭韓求仲太史


名世文人上帝所重羽葆旌幢九雷下送庚戌之春
祭矢竒中巍然兩元鹵簿騶從十里朱樓手額心動
紙貴洛陽衙官屈宋象胥雞林遠近傳誦門戶分曹
風波掉弄旁觀者嗔移兵助開誰發誰縱誰罄誰控
蕉鹿是非付之噩夢公退賈山烟雲作供席未暇暖
鵲巢鳩共抄錄秘笈幾千萬衆丙丁突來煨燼克棟
胷有窮愁書無遺種不賜一環不給半俸命實爲之
英雄抱痛文曲星旁蒙氣如凍旣殞思翁復蹶求仲



陽春先生集 卷之四十一
神荒威鳳
儒近八旬風燭何用跪拜艱難遣兒鳴慟祝我後賢

祭徐于室中翰


肅穆二廟帝齊名臣勲德震世曰徐文貞蟬聯四代
袍笏簪纓公少亢宗燦燦令名初受毛詩改業麟經
督學見賞拔置冠軍公車屢上雅志未伸勉就中翰
忽謝承明行空天馬掣臂神鷹不問佞儷不顧孩嬰
不謁宗黨不接公卿不遊山水不入市城不逆狡獍
不較譏評易輸肝膽立罄悃誠金錢塊土田產飛塵
且抄且讀類實書生條往條來類行脚僧人好熱鬧
公冷如水人好羶膩公憎如蠅人好解脫公縛如繩



西晉公外生集 卷之四十一
人謂公怪公應曰平人謂公苦公笑曰清脫懼貧病
朝呻夕吟排纂九宮推敲四聲言辭蹇澁手足頑冥
短髮蕭蕭瘦骨稜稜蘇機誰下黔被誰橫風穿破牖
蟻撲孤燈命實爲之涕泗何云許公仲子締結良姻
飲食教誨務底于成既竭我力亦仗公靈文貞在上
敢負前盟

祭徐碩菴公祖


維公誕自名邦生于世族察父詰兄朱輪丹轂六籍
百家膏膏孕馥頤刻千言霏珠駢玉司李廬江吏民
括肅定變須臾衆免孥戮崔逆衣繡肆其塗毒公護
汪君如衛頭目權璫震怒且禡且逐長嘯歸來柯山
潛伏 聖主握乾薦者累牘惠我雲間駕輕就熟明
似燃犀廉同瘞鹿僚友倚之推心置腹將士倚之朽
骨加肉所去見思所至造福數年不調一生不祿呼
擁登舟踉蹌就木老母寡妻相向而哭伯道無兒天



陳省公先生集卷之四十一
意反覆嗚呼痛哉驚聞漆計寸心含鐵蒼蒼無聞百
白莫贖聊借苾芻以薦杞菊召公之棠雷陽之竹畢
此一觴有淚盈掬

祭俞彥直孝廉

惟兄學似漢儒春秋卓異童子公孫經術罕對莫北
空群圖南可遇宰物扼之終慳一第姜公薦舉形于
奏議此文中龍此人中驥朝野喁喁頗快衆意兄亦
幡然自負才地笑而逝征寧復猶豫渡口橫舟蒼頭
整纜忽報行前一仆而斃余病山中臨食投箸半信
半疑且哭且涕安得如兄孝友令恭珠明玉粹安得
如兄磊落慷慨風光月霽安得如兄寬然長者不苛
不碎安得如兄恂恂書生不驕不倨安得如兄終歲



施舍不厭不避安得如兄解紛息爭鬪者內媿安得
如兄發廩救荒活者萬計安得如兄賢豪投之抵掌
談藝安得如兄郡邑訪之洗心獻替腹駐甲兵胸藏
經濟雖謂公車宜在有位渤海潁川永揚今譽何奪
之速執召之去六尺孤虛三賢並繼族議公平爾後
則裕儒也八十艱辛拜跪風燭之年將恐將懼遣兒
代觴告我殄瘁墓門片石願詳無諱勿戀功名鼠肝
虫臂

祭王天古孝廉


憶谷封翁自號怡朴不妄笑言性安耕鑿教子成名
橫秋一鶚拜官柱史蹇蹇諤諤權貴難容衆口見鏤
謫籍外曹欽崎磊落督學楚中士子飛躍經師人師
啓我關鑰拂衣東歸解粘釋縛著書立言嘉惠後學
貫串古今勝于館閣濬州次公佐之考索種竹藝梅
映帶書幕飯客留餐漿酒葵藿吾兄孝廉秉尚寥廓
羞入郡縣懶問城郭天古綱鑑游夏筆削曾羅五車
行備三樂百鍊之金無瑕之璞擬登啓事何愧何忤



薦墨將新兄歸夜整賢人數奇朝廷福薄伯道無兒
遺文寂莫八十二翁踞拜非昨遣兒代觴飄花墮簪
不朽傳文非予誰作四世通家敢寒宿諾

祭錢昭自中丞

武塘二錢兄弟比屋若翁山蘇若金谿陸心同斷金
文必攻玉惟孝友于粵滿邦族次公先登早得秦鹿
授司寇郎引經斷獄三面之網且開且祝出守天雄
秣馬具粟組練陸離熊帥心屬天津永平軍吏懾肅
觸忤金吾密口劓腹禿削生還安知非福 天王聖
明拊髀頗收賜環召之漕綱轉督三載拮据不遑休
沐分閩滇南萬里躑躅普酋就降爨焚扶服武侯南
康異代鼎足分俸貽書問我空谷曾未半葺訃音俄




續長公聞之號踊仆哭乞歸未允留秉釣軸補牘上
箴責難忠告 帝放歸來枕涕欵欵遙望靈輜二跪
成獨孝子彥林間關匍匐六月維夏單車將僕展覲
膝前團欒骨肉踞上壽卮病進饘粥爾留舍檢織細
委曲番漢旄倪百身莫贖召伯垂棠雷公挿竹嗚呼
哀哉富貴浮雲功名某局勝負更翻盛衰倚伏轉眼
空花戰身槁木無慧滿車有愁盈斛清白家聲流聞
輦轂幕府戎功史臣實錄公論皎然難掩耳目椒酒
三卮槐宮一宿

祭陸平泉宮保

代


人擬吾公鍾靈峯泖愚謂不然斯言大小五岳之光
含爲大老非國非鄉天下之寶麟經魁士鶴髮如童
年躋百歲位列三公立德立言朝野所宗廉頑起懦
孰尸其功出處相時進難退易心迹雙清身名無累
一子晚成諸孫類聚天不忌盈人亦稱瑞生死海中
等如游戲釋曰吉祥道曰蟬蛻儒曰沒寧三者何媿
觀公之化易哭而歌所不忍公有女匪他如攀高松
而附女蘿松旣萎矣蘿可奈何遵公遺命不考鐘鼓



賢僧千衆以代束楚瑤草先都蓮花淨土惟意所如
爰得其所

祭王弘宇憲副


客春乙未再震者地客冬木妖火生神樹占史狐疑
余嘆且喟邦人當之其在先輩俄報訃音公騎斗去
綺年獵第艾歲懸車出有民輿歸有道書不琢不珣
若冲若虛憶簪高堂子夜清暉花籠步障香印瞿瞿
燈光破玉客履連珠公倚而笑喜動眉鬚疊賦百咏
援序屬余巉巉鵠冠蕭蕭雀髦樂哉東山抑何西爽
塵尾筇頭幸隨俯仰草虫之鳴亦復見賞嗣余授經
越水吳臺公亦高臥門掩蒼苔雞犬相聞不相往來



庶幾近之彼此無猜室邇人遐跡疎心密尚擬龍門
載瞻鳳德何天不吊長晝竟夕風褰素帷淡無春色
先慈棄予公更捐客生我知我一朝永隔萬痛攻心
百憂攢骨公有哲嗣千霄六翼顧余山癯報母何日
酌酒感懷彈血欲碧

祭張七澤方伯


自公通籍三十五年今始登耄靈光巋然公面癯削
其神內全目如曙星著述丹鉛或經或史或疏或箋
望崇山斗學有淵源孝哉曾閔俠哉魯連始入秋臺
最郡潁川承蠲決牘飲馬投錢擢憲西粵蠻雨瘴烟
行營視壘肅戢戈鋌自楚而齊拂袖林邊舟題載石
垂釣鳴絃園扉窈窕酒醖詩篇慮深桑梓中夜憂煎
臥而晝腹坐而支拳邦君造請膝席俱前公陳疾苦
如奏哀絃令子文孫才譽聯翩服膺庭訓咫尺木天



勸公助役捐割名田闔門尚義文正忠宣思翁倡會
設席肆筵客五百歲公第一仙俄驚賦鵬竟泣啼鵲
吾卽走啗風燭同憐老矣兄弟金石誰堅笑語雖斷
夢魂猶聯有酒如灑有淚如泉聊陳芹藋不敢加邀

祭顧原之光祿


先公光祿文正是傲十萬役田義聲焜耀吾兄繼之
永世克孝倜儻慷慨神情惟肖裘馬翩翩風流絕調
北海開尊東臯舒嘯不謁郡邑不談廊廟不妄交游
不踈慶吊詞吐離龍隱同斑豹供養烟雲沉酣墨妙
商鼎周彝雪窓月嶠時醉時醒問耕問釣富而好禮
晚而近道閉戶誦經窺園獨笑塵視幻緣手書遺教
沐浴更衣喃喃佛號心無恐怖語無顛倒透悟象先
安問鼠耗金穴蕭然玉樓赴召儒病初起驚聞哀悼



陳香公先生集卷之四十一
拜跪艱難遣兒奠告風燭八旬恕我老耄累世通家
慙無以報祝爾子孫朱輪丹詒

祭章玉叔文學

男兒墜地原等空花或飄簾幕或落誰家亦等浮雲
莫知其向或出岫中或遊天上兄貌玉立氣亦英豪
精研舉業旁擅風騷食餼于官徐展底蘊贈賂公車
退肅庭訓婚嫁歿喪輻輳迫之天困英雄乃至于斯
叢老書來邀兄衙舍兄笑應之無可不可乘車戴笠
夙昔久要豫章之行豈曰無聊千里駢馳握手相視
獨同歸歸束裝以俟何期中道病在膏肓瀰留作偈
溘先云云嗚呼痛哉紀綱後事叢老必躬木亦美然



舍殮以終生也教兒秋毫不苟雖曰父子歎同朋友
病也得朋笑而沒齒雖曰朋友誼同父子三君豈足
國寶家駒羽毛五色摩天而飛天飛不日報德酬恩
昊天罔極儒聞兄訃頓足驚心松間鬪奕燈下論文
友乎師乎直諫多聞八十二翁拜不能起遣代一觴
老涕如雨俟兒病痊匍匐靈几

祭王文肅母

太夫人

時同友人徐長孺

衆人之毋賢不出里宰相之毋至聞人主若賈黃中
召毋禁庭賦詩賜坐頒齋頰仍若張齊賢母亦八十
手詔存問帝難福德我嘗以此壽太夫人詎子相公
真社稷臣金張絕援丙魏同心外朝減樂幕餽却金
無令養名而各借名務渙小群而成大群婉調衆心
曲回睿聽陰靈忽開斗柄期正飄然拂衣假給歸省
公謂東山可以長請家席未煖使者屢宣首柄國枋
召對 御前天光下霽喜動 聖顏扶毋遠來忠孝



陳香公先生集卷之四十七
兩全溫諭如此恩寵爲極賈張二母睦乎莫及相公
感奮繼之以泣羽翼 帝儲旋乾夾日言路肅清邊
海寧一功成脫屣謙著循牆板輿東旋爲樂未央何
期發宿中夜無光公稟孺慕掄拊欲傷嗚呼有子名
相有孫列仙若太夫人可以解顏辰玉名行卓爾千
古若太夫人而氣亦吐誰無百年或計長安素帷丹
旒山霧江湍凌競雜沓千里間關惟太夫人而寢孔
茸又若潤州忽遽百憂熾炎下灼石折金流如問水
濱而駕膠舟惟太夫人樂哉首丘某等世忝通家

祭馮烈婦

余拜樵李丁烈婦墓歸甫小憇讀易而客復有以新
豐馮烈婦事報者余曰此一部咸恒易也夫易之咸
而必繼之以恒者何也咸爲艮兌少男少女夫婦之
卦也故恒之六二恒其德貞婦人吉夫子凶象曰婦
人吉一而終也夫夫婦偕老最爲吉祥善事若馮烈
婦二十二而自縊殉夫忍言吉哉余曰此正易之所
謂恒也忠孝節義乃人道中之風雷何地蔑有烈婦
不幸而得恒之正耳烈婦嫁裔道貧且病病且就殉



西晉公外生集 卷之四十一
非夫子凶乎夫死于萬曆丁未五月壬申而張氏就
義於六月辛丑從一而終非恒其德貞乎烈婦一歎
而郡人奔走告駭以爲奇非震雷象乎邑大夫與鄉
衮孝秀爭爲文若詩誄之而遠近賢媛聞之戚戚心
動矣非與風象乎雷則震動一時而風則巽入百世
雷風變而恒道成矣非吉乎嗚呼此馮氏一部咸恒
卦也吾曹終日講易而不知有心易易乃在婦人女
子可愧也夫可愧也夫

祭范配徐安人

三吳之族范最烏奕文正忠宣難乎其匹學憲繼之
發皇義澤爰求良配曰徐世德有女君子納以雙璧
少共齏鹽如貧逢掖挑燈下帷遂蜚六翮爲司馬郎
老將執戟爲滇中師諸生膝席所至冷然飲水茹藥
則唯安人勗以清白大祭大賓寸田寸宅米鹽酒漿
筐篋刀尺外無耗竇內鮮佚籍檢括婢童廩廩受職
時分餘晷游于子墨鈔解文章尤工詩律桃李無言
芙蓉奪色晚工書法晉唐入室其秀可餐其翠欲滴

亦有家山挿如萬笏乃構仙居重開複壁古松流泉
盤礴其側白玉鏡臺朱砂筆格水蘭新箋綵鸞妙迹
字直千金花蒙九錫逍遙人間霄賓烟客太歲已未
春秋六十祝者奏詞鏗金戛石何期靈馭遽返真宅
道韻罷詠茂漪擲筆風咽紫簫塵緘寶瑟瓊花絕種
蟠桃留核絡緯遺音 誦一泣

祭王文肅元配朱夫人


兩宮弼教南國化單夫人叶運德耦太原 慈聖上
賓驂侍列仙夫人攀馭溘然人間婦以夫貴則惟相
君寵以 綸音火藻龍文母以子賢則惟辰玉天半
朱霞雲中白鶴毋以女親則惟曇真環佩珊珊麗於
家庭事廢專制或贊或規誕彌吉祥爲仙爲儒五疇
萃止四德攸宜生榮歿哀夫亦何悲余所悲者辰玉
至性三婦早亡未展溫清棄捐諸孫勞毋動定若蜂
繕甘若燕哺雛恩斯勤斯憂心孔多上相之家救水



非孝辰玉非征洒淚就道言念病母心動肉跳秣馬
脂車以憫倚閭跪而問毋支枕月餘朝掖暮撫計出
靡所願謂上帝爲厲殺我請代不從奄爾下土嗚呼
痛哉辰玉寡交久而矐余十年之間蛩蛩距虛子之
所愛毋亦愛之遺言如在餘德可思昔與辰玉細語
夜央燭花欲燼筐果頻將夫人傳命言多舌枯雞旣
鳴矣早寢則那咎與辰玉讀書支鋼仰卧松影俯漱
泉聲夫人傳命山風易寒尚慎旃哉重裕加餐聞余
至門醴酒盈尊聞余還里夙戒行李拜別非久騎箕

西歸今來堂上風戰空幃痛我先慈忽先朝露辰玉
繼之亦遭大故兩人同心命亦同度生何不辰並此
摧挫辰玉賢者永耀九泉維余孺子報毋何年泣奠
一卮闕默無言


子爲余金石氣誼節俠于五色雲



一畝園標無言
對豈氣王復青禾獸大泉縣余壽午時
豈何爭武真
豈多亦豈大姑兩人同心亦同妻生何不氣並出
西禮今來堂上風輝空韻讀詩式慈心式博靈氣王

祭郁太夫人

古人定交如子姓行擔簦千里拜母登堂維太夫人
若母猶母不及捧觴竟陳絮酒嗚呼哀哉吾哭夫人
微獨闔德有厥孫子爲余金石氣誼節俠于五色雲
才鋒謠畧空千里群初以風雅頗稱同調旣披腹素
習毋陰教聞鳩治績雞鳴薦蘋相彼君子循吏儒林
秉禮蹈義肅如朝典有穀貽孫瓜瓞斯衍燕謀奕奕
宦髮蕭蕭安期之棗金母之桃何不百歲或歌或醉
鸞鳴未來舛車忽御白雲謹冷黃竹歌沉迷離殘雪



歐陽文忠公先生集 卷之四十一 三十一


慘淡孤燈嗚呼哀哉齒踰八旬不為不壽身閱四世
不為不久玉樹琅玕叅差戶牖况其長子尤稱不朽
毋目已瞑毋寢已甘桂花在几明月在簾蒼顏老骨
清香滿天

祭徐孟孺母

木必有本水必有源不知其母請視子賢伊子云何
經明行修衛門泌水耻于諸侯有雀在羅有駒在谷
孺人曰足生子不辱有羞匪夷有衣匪斑孺人曰安
食旨且甘嗟彼縉紳鬚翁楚楚與貧賤仇如撼猛虎
豈意孺人而氣則吐豈意今人而心則古風雨機絲
雪霜燈火髮若飛蓬心無荼苦方將令儀指不再數
黔婁之妻和靖之毋採西山薇僅堪一豆酌南山酒
僅堪一斗跪而進之為孺人壽何不百年柳生於肘

東晉先生集 卷之四十一

二四 祭徐孟孺母




國立中央圖書館 國家圖書館 國家圖書館 國家圖書館 國家圖書館 國家圖書館 國家圖書館 國家圖書館 國家圖書館 國家圖書館

青鳥西歸白雲東走在南岳頭在瑤池口某與之子
嘔肝露腸宜如管人拜毋登堂乃從計後竟莫空臆
唱薤葉歌蕤栢子香靈與可招來格洋洋

祭禱李丁烈婦

余讀嘉興郡志志節婦僅兩人耳蓋嘆而悲之夫禮
義之鄉度必有奇節而委巷窶人婦或閭史不記國
史不書式廬表墓闕如也人固有幸不幸哉丁烈婦
端平巷中窶人婦也夫亡葬火烈婦年十七投燭者
三父母掖之堅不灰數日翁與姑將強嫁之烈婦伏
刀自剄不灰傳以藥手掣之不灰皮肉綴附一絲許
號哭震裂喉斷竟灰矣嗚呼異哉方烈婦之灰也翁
姑駭而走有小姑來視屍鄰里父母縶其髮屍上椎



晉之不聽出業訟之官天暑烈婦不得飲吾友賀伯
闇聞而義焉身詣巷中間其事事核爲解諭呼翁姑
來釋小姑去凡紀綱檣幕旒悉無憾郡邑長與士
大夫爭爲文以祭且醵金卜壞葬之烈婦非特身名
不辱且不朽矣夫樵李自二百年來節婦湮滅不勝
數丁烈婦年甚少家甚貧一時老稚奔走告語郡邑
士大夫哀輓而表章之者獨甚著人真有幸有不幸
哉語云無言不讐無德不報烈婦其何以報鄉之人
大抵愚夫愚婦之死生如飄風游塵何關聚散惟節


義之精靈英爽非歿爲神明則轉爲男子將無驅厲
鬼吞妖魅以清此一方民不可知將無再世更生爲
孝子忠臣湯火唯命不可知將無生他方吏於故鄉
爲監司郡邑辰整齊綱常捍恤災患如同室之救不
可知嗚呼是皆爾丁烈婦死後之責也雖然西子沼
吳隨范大夫買臣妻去更嫁闢吏樵李至今羞稱之
有丁烈婦慷慨殺身以張越勁則烈婦之報樵李多
矣且以丁烈婦之故里中聚談或旁引某婦某女或
嫁或未嫁或死或尚未死或不及旌或待旌或貧賤



四香公先生集 卷之四十一
格不得旌者縷縷追述其年歲月里居并及其父
母夫之姓名宛如昨日事一丁烈婦歿而聚貞女烈
婦皆生則烈婦之報樵李又多矣豈必徽靈於烈婦
之身後哉嗚呼深閨寡婦拭淚而施簪珥立朝大臣
易姓而拖青紫下玷丹書上汗青史彼何人哉歿而
死矣

祭吳江陳烈婦


天王聖明責重司牧日炤覆盆春回黍谷無使民間
含冤夜哭吳江張子才高運促陳媛孤嫠抱嬰飭粥
何物鵞鷹飛而攫肉輸賄群兎百方圈局中宵攜歸
義不受辱詭托禁鬻曾許疥禿巧計難施送返父族
邦君悞聽速婦於獄孤憤填膺訶詈詆觸甫出獄門
訴包孝蕭佩刀斷喉頃刻鬼錄直指捐金舍檢良木
栲掠朋謀稽顙蒲伏一息遊魂萬姓踏蹴祭奠如雲
香煙滿屋行且疏 聞入告輦轂表墓旌廬特祠尸



陳省公先生集 卷之四十七
祝或爲明神冥司禍福不早不潦豐年雨穀或化厲
鬼提兵水陸奴酋可殲流寇可逐何恨百年何愁萬
斛白骨馨香青史瞻矚猷耶囑耶安施面目

祭錢毋陸太夫人

曩毋七十宰敎壽詞擬俟明歲八十爲期不泯之言
請佐酒卮轉賀爲吊忽以計馳嗚呼哀哉武塘名家
錢最烏奕爰求良耦毋實世德卜云其臧納以雙璧
來嬪君子且讀且績豈無紈綺身曳大帛豈無梁肉
口饜蔬食折節恭儉爛于內則程督文孫遂振六翻
次公先登熊軾隼輿治兵督饗節塞尾閭長公廷對
卿雲爛如玉皇香案金馬秘書紆青拖紫車丹轂朱
穀子食子原本慈闈靈萱晝永寸草春暉帝謂毋賢



雍雍肅肅清類慙魚介同瘞鹿錫之恩綸以介景福
有赫龍章有儀象服德矩教家素風善族人外華胥
閨中名宿女憲毋師日月未央何不百歲溘然云二
停飲罷杵遠近盡傷矧余世好涕泗難忘斧冰作糜
裹絮漬漿白雲去遠音鳥來翔西池南嶽縹緲微茫

祭何半莪毋太夫人


古來節孝綱常攸繫是毋是子斯言無愧於穆太君
壹行淳備逢時不辰早坼伉儷嚼蘖茹荼形單影寄
上事尊嫜拮据勞瘁下哺孤雛口授章句抱雙明珠
栽兩玉樹少者溘焉泣飲血淚長公名成蓬蜚天際
伏闕上書苦節貞厲栢舟之詩遂感 上帝表宅旌
廬春暉永賁累官文宗孝養不匱秉鑑八閩精收人
馨投牒拂衣好官如贅歸侍新居團樂一處共笑共
啼宛同兒戲人曰高哉毋曰其庶我不汝呼汝不我



陽春公先生集 卷之四十一
去酌水獻新既甘且裕百年匪多三公奚貴嗚呼温
嶠絕裾髮起鬪臂是可忍乎功名而已子如學憲寸
心始遂移孝作忠震耀四裔其黍通家病聞毋諱伏
枕經旬老難拜蹠逾月登堂霜悽蘭蕙節孝之傳請
俟掌記

祭張烈婦

嗚呼伯夷薇仲子李蘇武雪豈不矯矯絕粒哉然而
夷也猶寄命于薇也仲也猶寄命于李也武也猶寄
命于雪也且武則胡婦爲之左右仲有辟纁夷有叔
齊夫婦兄弟一鼓一舞烈婦然獨身而已有勸生
無勸歿則烈婦之不食殉夫又非伯夷以下諸君子
可以同日論也嗚呼奇哉嗚呼痛哉




祭張烈婦墓

有美烈媛卜茲墓隧名骨俱香草木若賁承奠幽宮
千秋勿毀勸孝勸忠驅鬼驅厲龍旌鳳綸以俟 上

帝

祭張太淑人


江東大姓顧陸朱張張出龍華長發其祥爲鳴珂里
爲通德鄉叔翹應之鳳翥龍驤鷄鳴益友厥珥孟光
挑燈下帷勸慰逢掖起家郎署歷大方伯屬吏頁琴
老將執戟所至肅然飲水茹蘗二人同心砥礪清白
豈無梁肉口饜疏食豈無純綺身曳練帛大祭大賓
寸田寸宅錢穀酒漿筐篋刀尺外無耗竇內鮮佚籍
檢括童婢廩廩受職公之著書矻矻不休脫有餘暇
與容獻酬淑人相之傾釀具羞取辦咄嗟無愆乾餼



亦有貧士亦有單族恃公舉火不一而足淑人相之
解襦推粟旁施厚賑以望其腹維子及孫五色陸離
爲璧爲圭爲蘭爲芝玆辭黃絹清風素絲先教後食
先莊後慈毋也而父母也而師恭儉傳家孝友爲政
三邑闡儀千秋女鏡若若纍纍必來後慶象罔鸞書
豈惟錫命南岳雲開西池水定遙薦尊水比德清
淨

祭徐配王夫人


往少傳澹寧徐公生而幼孤岌岌乎如輕若羽蒞適
相逢于江河而繼之以疾風暴雨夫人入門清嚴英
備不妄言笑不聽萋菲克勤細務敦慎大體亢宗相
夫以禮爲主通達詩書周旋德矩疊誥重綸煌煌天
語一品崇班冠裳容與入朝禁廷恩榮無比見者莫
不嘆徐文貞之有後賢王文肅之有孫女何錦還之
未幾遂臥疾而不起嗚呼噫嘻管者虜薄都城夫人
可以怖歎矣鄉衮中讒夫人可以愁歎矣長公計聞



夫人又可以痛歎矣外具者一時之形骸內潰者實
五官之神理嘔血斗許斷腸寸許夫人豈能霍然于
衆名醫之手而望其生意之圍圍哉自夫人亡後誰
綜核家藏誰教育兒女吾不忍澹老哀哀如去暗室
之燈而失倚天之杵清酒一卮清香一炷白髮通家
有淚若洗


祭王母周太安人

太安人自入太原以來蒿目攢眉者幾半世矣尚寶
公辛勤報母惟是五通之綸而太安人不加榮惟是
三釜之養而太安人不加吉翟冠象服不加華甲第
名園不加喜則何以娛太安人但盼盼六十初度之
期耳父老具牛酒邦君具羔雁自上王侯將相六曹
九列之長函綵刺繡賁相望於里門鍾鼓沸天鞍馬
炤地五孫羅拜而前爲傳韞上壽豈不大愉快乎然
賀者甫詰門而訃者已及途矣哀哉太安人處富貴



而若窶貧當康樂而若拮拾刀尺筐篚米鹽粢糗必躬必親不假他手詔尚寶無敢佚也機杼札札牙籌嘈嘈母錢子錢不貸銖黍詔尚寶無敢侈也不知者以太安人爲過儉過勤余獨以太安人爲養德養福晉公父文伯之母績文伯跪而諫之其母曰童子備官而未之聞耶聖王之處民也擇瘠土而處之勞其民而用之故長王天下夫民勞則思思則善心生逸則志善忘善則惡心生沃土之民不材瘠土之民莫不嚮義勞也男女效績愆則有辟古之制也味斯言


也太安人其文伯之母乎太安人以勤儉撿括其身并以撿括其子故尚寶不妄取亦不妄與不妄交亦不妄動口吻無雌黃之評朝野有清白之譽皆太安人從禮而靜以成子之有令德也往尚寶京都歸如鳥脫籠如魚脫鉤將乞身侍母不復出矣余勸之曰今新天子御乾開泰朝士莫不結綬彈冠盍不腊車首塗請差還里則進退豈不綽綽然有餘裕也尚寶謝曰舍病母而就一官與吳起齧臂而盟温嶠絕裾而行者何異吾寧奔走群望巫史紛若以僥倖



母氏于萬一耳而詎意其終不起也最可幸者猶及親湯藥視啗檢母子握手訣別而逝此天憐太安人未享人間之福賜之孝兒又賜之孝終之報使其母子無憾而後卽安也尚寶亦何必觸頭搶地叩膺呼天之爲生孝而爲死孝乎轉人樂樂太安人其式靈之


祭顧配鄒孺人

余讀家人卦而有感也曰閑有家曰嗃嗃終吉夫闔
範無事他奇一嚴重足以盡之而後世明粧絃服好
爲艷翔視媒語好爲佻寶車畫船好爲冶游以一輕
而成百重勢不可復反始則識者嘆繼則笑已則里
婦習爲故常甚且慕而效之矣如顧太君者千萬姓
而不一觀也太君繇吳江鄒氏曰嬪清宇公清宇方
以素封豪江東而太君節衣約食彬彬以恭儉德素
先之自少及老不聽家樂不窺家園不御樓船不登




山入廟爲結隊踏堤之游卽里有懷璧賣珠師尼巫
覲及見鬼人等直扞之戶外而已青衣侍女直課之
札札弄機杼而已此其難難在正風俗弘關雎之德
以逮諸副而後嗣昌普鳩鳩之恩以撫子孫而恩禮
一此其難難在齊家庭清宇公捐數千粟賑饑捐十
萬金之義田贍役而太君慷慨無吝色從吏無後言
此其難難在救桑梓吾故曰如顧太君者千萬姓而
不一覲也咎漂毋進一飯于韓王孫其後王齊而贈
之以千金草澤老毋進一豚于劉道真其後爲吏部

郎而超用其子至富貴今太君清宇公文相爲德豈
直一豚一飯而已哉而欽德者何以報也松人莫能
報而其敢代報之以斗酒杯羨太君其笑而來格來
臨乎



祭王配章安人

瑯琊二王主盟當代兄弟之國龍門所在勝流如雲
連軫接蓋余非賢者頗識其大家風之美安人是賴
憶咎司馬爲相所鷓孝子叫噉聲聞于天義不及顧
邊問舍田安人拮据百責攸肩澳洗嚴姑餘納橐饘
朝論日中公起郎署督學奉常俱強人意安人相之
永有終譽爲文苑宗爲清白吏公之好客不減弇州
畸園別墅酒政詩籌安人相之傾釀具羞取辦咄嗟
無愆乾餼亦有貧士亦有單族恃公舉火不一而足



安人相之解襦推粟旁施二氏以望其腹有丈夫子
鳳毛陸離疇問已出鳴鳩視之先教後食先莊後慈
毋也而父母也而師一瓜四蒂忽摘其兩安人抱孫
栽培孳養遺腹之孤弱冠登榜肩隨叔父幾于競爽
有三女士曰嬪名家威儀孔修蓮豆靜嘉拊厥愛甥
痛癢搔爬芝蘭玉樹亦茁其芽安人孳柄既老而久
履屐得宜顰笑莫苟闕內闈外衆星拱斗視其存亡
以下安否旣勤小物復敦敦大體能伐邪謀能銷群毀
不動金湯不甲營壘嘻嘻變嗃終仗德矩豈惟徽音


見于帝書寬大顯信庇及里閭安人云亡停春罷飲
余視猶毋禮豈後趨聞訃之日病臥枕席百日支吾
搥床捫壁迫此窮冬洒淚一滴斧水作麋靈兮來格



祭顧冲庵恭人

天生豪杰厥有奇助豈若田峻戔戔門戶江東司馬
氣誼甚高恭人相之亦足以豪帝顧顧公召虎非耶
公拜稽首義不問家入典鎖鑰出擁鳴笳倒屣國士
食辦咄嗟黃金散客擲若泥沙旁睨恭人面無愠色
掃豪傾筐爲德益力蘭盾水心義方是廸伯仲競爽
鵲起鶴立冕而流珠綸音則徽還食子報享祿壽眷
胡天不吊遽返靈輻西池南岳渺渺何之其昔聞計
動以隔暮大江衣帶滯我尺書邇風陳哀結涕沾願

國家圖書館 國家中央圖書館 臺灣省立圖書館




詩以異日磨鏡自隨

祭俞仲濟

維公少承家教名噪學宮中年吐棄洙泗爲宗詩騷
鷄肋咕嗶彫蟲有顧叔時談道江東遠近附之名節
巨公公泰譁席訂頑擊蒙仁義滿腹經濟填胸公嘗
招我未敢追踪草衣木食桐帽藜筇蟄處樊澤藏拙
寓庸我嘗私勸彼此成翁請擲青衫抹月披風公笑
唯唯曰將無同著述彌富名德彌崇修志纂史淹貫
博綜餼廩於官如日方中石渠金馬奉公以從二豎
爲虛雅志禾終嗚呼痛哉朝政得失桑梓豐凶星曆

2025 RELEASE UNDER THE NATIONAL CENTRAL LIBRARY, TAIWAN, R.O.C.




陽春公先生集 卷之四十一
禽遁水利火攻種屯鑄錢修圩擴墉人笑公迂我笑
人聲儒者有此豈非英雄微言細語究轉員融醉面
盎肯謹愿諫冲相非死法老可還童甫週甲子竟返
太空通國聞計停歌罷春予更懿戚若乃劇躬有孫
雛鳳有子神龍身完趙璧名付楚弓

祭黃蔡陽少宗伯

代

歲在戊子北闈論秀命公典考英雄入穀先子見材
忝在舉首衆喜得人籍籍額手識者謂公諸葛之稱
無重輕太尉之袒無左右而彈者謂宰相有見將無
澹臺善徑子羔善竇遂以激不測之天威而雷霆轟
擊之太驟先文肅且辯且救請試請覆維時郎官之
巡徼森嚴臺省之耳目輻奏先子臨文搖筆而就銳
若新硎捷如宿構鏢金不成完璧依舊至是都人士
始服主司之至公而公亦頓洗向來之浮詬抗疏歸




來自安枕嗽久奪鳳凰之池懶學魚龍之鬪在再十年乃屆辛丑先子叨大廷之一鳴未審公一與聞乎九原否頃者黃門次公慷慨陳奏溫旨諭公所舉非謬位進秩宗贈卹孔厚發天子之賜金肅有司之邊豆涸巷傾城携老扶幼肩摩聚觀快未曾有龍章者穹碑馬鬣者故埠冥冥夜臺煌煌畫繡此雖仗孝子之上書實則逢聖明之在宥山峙水流天高地厚追昔感今淚滴石透嗚呼公也騎箕而上天先子亦排空而化斗痛矣夫伯牙與子期俱亡已矣夫伯

祭沈石樓侍御

代


宣宗之朝實重翰墨華亭二沈入侍西掖伯仲巨卿斤楮拱璧數傳及公才高數厄壯心無堅飲羽沒鏑卒以名儒脫穎通籍驍驍四牡每懷靡及十年不調六月偶息氣恬意銷雅忘失得望重資深爲邦司直神羊觸邪馳馬避跡出視玉關風行雷擊墨吏膽寒債帥股栗帝難厥任廷推屢格借重豫章先聲辟易何期中道二豎見迫法星麗天隕而爲石風雪殘燈傷心古驛嗚呼官至侍御退若逋客仕宦稔載家徒



四壁兒襟半青親顧已白僅積遺書空懷捧檄傷哉
痛哉山陽短笛


杜虛江詠詞

浪穹令杜先生諱時登以萬曆二十六年卒孝子繚
經詣門求誄余惟誄者累也累其生平叙而哀之也
先生授邑不赴以壽考終有子若孫皆爲世聞人九
原之寢亦孔甘矣宣辭悼徃何哀之有無已則請援
表旂之例爲公呵止樵牧可也誄曰
維杜厥初肇造祁公靖康南轅菟裘海東繇村及浦
載蒙柱姓燁燁世闕琬琰邑乘誥績勿耀光自先生
覆髮未燥剪瞳若神肱篋授書且讀津津退而組語




五色者雲奏牘公車隸名鄉籍頭無二毛背有六翮
宰物持之動而見扼仰視高堂暖曖日迫何慚五斗
何慕千石揮手鷗鵬就官雞肋勾漏砂明河陽花碧
鶴伴吏人琴招逋客再蹶再起幕僚而已衙似空山
心如止水公論獲申浮言頓洗授令浪穹才非百里
公笑掀髯頭顱如許局促轅駒格鬪穴鼠三經未荒
三仲可旅遙指青山惟我與汝文自函陽詩還天寶
朝漁暮田冥搜家討蠶吐繭工蠹游欲飽間一臨池
亦足娛老出其土直爲德鄉閭出其緒餘子續賢書

豈惟子賢孫亦瓊琚文苑推轂長者下車何如潘令
徒賦閒居何如陶令兒好栗梨樂哉浪穹幽魂可舒
我載懿德表于素旂旂旒翩翩衛爾玄廬中有哲人
樵牧已而




鄭太公詠詞

某屏空山聞秦晉豫楚有寇梳兵篋之慘不獨游子
歌行路難矣以此未獲通候使君與先生比得切度
書始知使君有宅憂之戚讀堂祭文愴然有餘悲焉
往使君微有先生譽命在未下車未奏滿之先皆同
籍所不敢望者非臺未幾旋聞逮命儒占之亂仙
云聽窻外之寒蛩不禁五更淚洒望空中之哀雁那
堪九曲腸回澹若可惜未幾嚴繫重譴果若所云則
呂真人已先知之矣適李本寧長公來訪山中竊嘗




緘寄書以慰先生六月雖覺飛霜覆盆終當回照轉
吡作笑姑且待之而詎意今且騎箕上天也痛哉禮
六十不越疆而吊儒七十有九矣二子一孫方且扶
掖朝夕漏殘燭短豈忍強之出門是用拂拭香帛附
之王氏使者遡風而拜先生之靈素車白馬仰愧范
張磨鏡生芻俯慚孺子惟靈笑而鑒之管人讀損益
卦者吾乃知貴不如賤富不如貧但未知處何如生
耳今富貴如槐國黃梁生成如懸疣附贅先生一証
之使君再証之於兵燹蕩然彷徨乎塵壒之外逍遙

於無爲之表則達人知道者莫先生若也而又奚悲



ノ




國家圖書館, NATIONAL CENTRAL LIBRARY, TAIWAN, R.O.C.

外漢書之類而並入中
首莫未生其也而又奚悲

陸香公先生集 卷之三十六



國立中央圖書館 NATIONAL CENTRAL LIBRARY, TAIWAN R.O.C.



陳眉公先生全集卷之四十八

像贊

釋迦文佛贊

長耳定光佛贊

接引導師贊

觀音贊

達摩贊

布袋和尚贊

觀佛贊

大士贊

寶誌公贊


十六應真贊

范少伯贊


魯仲連贊

張子房贊

李長源贊



NATIONAL CENTRAL LIBRARY, TAIWAN, R.O.C.



3466117 v.15

王文肅公像贊

周僕射像贊

方暘谷像贊

方旦心像贊

杜完三像贊

李玄白像贊

張七澤像贊

朱廣源像贊

房海客像贊

袁節寰像贊

陳中湛像贊

范仁元像贊

魯泉先生像贊

劉斗墟像贊

馮少墟像贊

徐準明像贊

王心岫像贊

單孟阜像贊

馮茂遠像贊

屠敏蘭像贊

李大生像贊

姚叔祥夫婦小影贊

朱敬韜像贊

冒辟疆像贊

黃澂之像贊

王昭文像贊

蔣太素像贊

馮子牧像贊

童子贊

范公茂像贊

吳醉白像贊

華宗贊

張雨懷像贊

晏懷泉像贊

鍾伯敬像贊

蔡默齋像贊



顧嘿孫像贊

沈明倩像贊

呂宴如像贊

閔徹侯像贊

閔康侯像贊

錢登甫像贊

吳吉徵像贊

許君素像贊

孫元新像贊

鄭念蓼像贊

孫茂叔像贊

程雲岫像贊

梅溪漁隱贊

秋潭老人像贊

澄印尊者憨山清師贊

見心禪師像贊


朗徹禪師退思銘贊

涵文禪師像贊

范開之像贊

門人宋 嵩

六吉甫較



陳眉公先生全集卷之四十八

華亭陳繼儒仲醇父著


男夢蓮古澹父

夢草山賢父

孫仙覺天爽父全纂


釋迦文佛贊

釋迦老子慈憫濁世偶然心熱拋散文宇欲覓佛者
莫從字相舟去劍移盲者悠悠




NATIONAL CENTRAL LIBRARY, TAIWAN, R.O.C.

長耳定光佛贊
 大根具足何獨耳長世人執相遂稱定光耳之爲門
 實通賢氣故祈男者所獲如意





接引導師贊
 此心緣物如猿緣樹四大既離心何附處附之失所
 毛角可懼是故彌陀津梁西去

國立中央圖書館




觀音贊

南方之人惟耳最利所以觀音誦者彌熾音既可觀色亦能聽此何以故見聞無性




達摩贊
一雙履一根錫對面者誰應聲曰不識



何物
布袋和尚贊
此老漢弄詭譎不諷經不禮佛肚皮寬眼縫濶笑呵
呵無休歇真快活假快活假與真且莫說這布袋是


布袋和尚贊

國立中央圖書館 國家圖書館 國立中央圖書館, TAIWAN, R.O.C.




觀佛贊

惟我導師釋迦和尚初出雪山卽此示像以百千億
微塵數身現九十七大人之相頓入毫端三昧而幻
於一幅之上



國立中央圖書館, NATIONAL CENTRAL LIBRARY, TAIWAN, R.O.C.




龍無耳聞以角牛無耳聞以鼻蛇無耳聞以眼蟻無
 耳聞以身六根互用乃如此是則圓通觀世音
 又
 妙哉三十二應身一十四種無畏力願於一念清淨
 現譬如秋月現止水一切衆生見者聞皆入圓通三
 昧海

大士贊


國朝公先生集卷之四十八

國立中央圖書館, TAIWAN, R.O.C.



寶誌公贊

遊戲齊梁語多不契瘞骨鍾山護持王氣有河圖則
開洪荒聖人有誌公則待洪武皇帝拱衛孝陵龍
蟠虎踞豈惟佛法之金湯永作王家之帶礪



十六應真贊

第一尊者趺坐結伽鬘童髻頭簪挿野花有鬼使者
伏地稽顙侍兒取書珠在象罔

第二尊者手橫如意老人何來擎琉璃器傾器瀉出
五色舍利光明熾燃炤天炤地

第三尊者扶烏木藤千歲老猿雪髯垂膺跪頂珍果
投誠聖僧領而受之長嘯騫騰

第四尊者垂耳端坐張口如箕捧腹如瓠聖凡好醜
但笑不嗔唯無所嗔故曰至人



國立中央圖書館, TAIWAN, R.O.C.



第五尊者坐臨淵濤抱膝不語目眩雲霄神女出水
綠鬟素綃投書侍者頰暈紅潮

第六尊者石印雙趺左手支頤右手弄雛雛貌妥尾
不曉不呼金環貫繩付彼胡奴

第七尊者彊詭眼貌松深草香睡熟始覺龍蟠掌心
翦甲飛掉乍失其珠雲霞雨雹

第八尊者頷語相向並膝而坐加肘其上沙彌汲水
神躍地出異寶滿盂噫等瓦石

第九尊者鬘髮鬚鬚骨見衣表非仙非癯食已撲鉢


指歷數珠童子篝火烹紫琳腴

第十尊者年少橫經老胡雪顛頰首以聽生死無常
日月如駛摧我貢高道無老穉

十一尊者短衣複禪面目皺古如枯樹根垂足虎項
不異假肫童子怖匿却走逡巡

十二尊者鹿鞞豹皮水晶軍持中插楊枝飄洒甘露
鸚鵡來儀聲無凡音自稱雪兒

十三尊者煮麤脯鬼側坐柏下手屈三指荷葉田田
其花如綺巢者神龜捕者童子



十四尊者顏若朱塗紫衫青爛衛以髯奴一臂怒張
手托浮圖豈惟浮圖大地山河
十五尊者投笠覆鏡牽臂褰裳浮涉大海世外之徒
豈有風波示相宰官公無渡河中無難於履西甘
十六尊者童頭豁齒豁眉挂第長尺有咫有客問道
不言啞耳五百年來懶鑽故紙


四先生贊

有并

知希則貴身隱焉為文雖曾樹遯世之藩籬亦
半立藏拙之門戶既為男子忍與草木俱加
露盡英雄乃以神仙遯步斯所謂進則尺寸
退非尋丈者也我思古人實獲我心得四先
生贊存微尚焉

范少伯

勁吳死殘越生裝西子浮海行耕於齊為上卿賈於
陶散千金出見奇徒成名鳴夷子何童心



魯仲連

喜高節嗜奇策控秦帝解齊厄掉富貴若雲烟鴻冥冥何慕焉吾執鞭魯仲連

張子房

秦之鹿惟其足楚之猴烹其頭漢之馬得天下帝借公公惜帝爲韓來報韓去前黃石後赤松張子房真英雄

李長源


辟五穀相三帝寢對榻出聯轡九仙骨一品衣功太

高跡太奇如龍現如龍潛吾師乎李長源



王文肅公像贊

浩然剛大之氣蒼然奇古之骨沛然江河之文挺然絃矢之直報主心丹憂時髮白其建儲寧緩無激其禦虜寧絕無飾其處播酋寧諭而招撫無勦而窮極其籌西虜寧欺而羈縻無戰而狼籍其人才寧推挽而無潛抑其言路寧救解而無任德故能際魚水之奇逢消官府之微隙溟朝廷之朋黨養天下之全力勞臣感而隕涕聖明怒而霽色功遂身退暫托五湖之游避寵懼盈終歸六月之息人以爲不貪不淫公




之儼行不驕不伐公之卓識而無若天子之召對則
曰忠孝兩全召用則曰時懷名德此真吾公之知己
而廷臣之所敢望而不敢及者耶

方暘谷像贊

大京兆暘谷方公許相國狀之汪司馬志之蕭太
史碑之王大司寇傳之吾友董玄宰復爲小傳手
書像後而像未有贊也其仲孫思睿奉一敬先生
之命排纘逸事以授陳子謹再拜贊曰

河東薛後學稱正傳涇野先生得其大全公守紳訓
研深攻堅經行脩明入對臨軒司權荊州橐無一錢
司讞魏郡獄洗三寃築堤河汴減額億千築堰昆明
裕積十年分宜曰介剡鄭曰賢江陵曰廉雖則曰廉



公不喜緣畱滯遐荒六載雲漢二月京兆放棄林泉
 此何以故客鬻相權公笑解綬採腴釣鮮倉曰大有
 約曰藍田贍族造士若鄒魯然少保下理公納橐篋
 芥首剝亂公靖烽烟兵不挑釁吏不蔽奸學不市名
 宦不慕羶清不隨鶴直不避鷗仕雖人後品則人先
 居鄉俎豆居官涕漣帝懷舊德祭告九泉淳德所鍾
 瑞蓮生焉乙酉麟薦簪笏聯子孫無垢有如此遺



方且心明府像贊

天清高地厚重不得已然後動謙皆吉願乃訟簡御
 頌寬得衆先木雞後鳴鳳利喙鳥不寘麟鏡角獸
 不臣唯口筆戎好興發故覆在典墳多其輔在賢人
 積功行長子孫惜精神報君親慎旃哉昌令谷



其骨清其神肅其取世淡其操行樸其立朝則正直
忠厚其敎家則孝友淵睦其薦賢使萬人必往其糾
邪使一路無哭筆墨干霄之勢蟠結心胸忠義貫日
之氣發於眉目斷斷乎不走捷而挺險侃侃乎其中
行而獨復者耶


杜完三像贊




國立中央圖書館 國家圖書館 NATIONAL CENTRAL LIBRARY, TAIWAN, R.O.C.

李玄白像贊

松陰下蘆花裡披奇服釣秋水伊何人吾知矣不冠
不履似漁丈人而經世出世乃天下奇男子蓋長吉
才太白膽長源讎合之爲玄白先生而其姓亦曰李





國立中央圖書館藏




張七澤像贊

酒瓢詩卷茶竈筆床。斲木蘭以爲舟。集芙蓉以爲裳。斯何人哉。名潛姓藏。是嘗腰橫犀帶。身佩金章。經綸滿腹。圖史撐腸。家傳清白。口絕雌黃。肝膽以推誠。任素而如雪。鬢毛以憂時。憫俗而帶霜。其人則孝友。張仲其壽。則耄耋。張蒼其服。則烟波。張志和之裝。其居則尊鱸。張步兵之鄉。似仙似隱。亦狔亦狂。山水無盡。日月未央。樂哉先生。魯靈光魯靈光。




朱廣源小像贊

恩洽九族。氣備四時。公之爲鄉。祭酒稱獨行也。法持三尺。網開一面。公之爲郡。司寇稱造命也。名冠六曹。權衡四選。茂明國是。申儆官邪。公之爲文。選郎稱水鏡也。當門戶紛紜時。不爲左右。袒重輕。稱公之氣平而正也。當君葦披靡時。不改松栢心。姜桂性。心之骨勁而硬也。當網羅彌天。風波匝地。而柳下之舊鼎依然相如之。完璧非侔。公之德唯一而靜也。故宮府重其無黨。鬼神服其無欲。賜以多子多孫。全名全福。





國立中央圖書館 國家圖書館 國家圖書館 國家圖書館



房海客像贊
堂堂大人落落男子受玉敲金含宮嚙徵聳鐵壁之
難攀嘆水山之易毀忤逆魏義膽包身破陰謀直聲
灌耳飛風霜於簡端懸人鏡於筆底持斧則百煉彌
鋼賜環則三仕無喜江左見夷吾而何憂淮南幸裴
度之足倚豈容寂寞寂寞參金粟座下之蕭團終當
烈烈轟轟躡玉皇殿前之劍履


關園三徑藏書十乘快新圭之仁聖贊太平之新
政天定者勝人而善積有餘慶也丹青之像乃千百
億之化身清白之報其將二十四考之中書令也





太子少保大司馬袁節寰像贊

忠孝格天精神滿腹蟠三光五岳之正氣驅千軍萬
 馬之雄文筮仕理官覆盆炳日選除侍御破柱生風
 當雷震景德之門乃書上明光之殿昌言觸忤嚴譴
 垂加申救者三五諸臣褫削者二十六載終身樂而
 忘世每飯不忍忘君捐產助遼毀家紆難朝野之
 薦贖交上庭闈之娛綵方酣特起璽丞遂遷罔伯司
 天子喉舌作東人股肱節鉞飛霜平鄒膝之蓮妖
 於掌上旌旗曜電掃薊遼之奴虜於穴中勞苦功高



賜以朱提文蟒覃恩普徧重以錄蔭馳榮輟邊閫而
佐中樞推冬官而登正席痛見羣忠駢戮羞與逆魏
比肩致仕加銜刻期就道士大夫共高其難進易退
之節鄉父老頓覺有廉頑起懦之風琴鶴歸來冥鴻
何慕絕口不談時事閉門不謁公庭具三疏以辭殿
工輸千金以倡軍餉保桑梓如護頭目論城守如建
金湯紛披圖史丹鉛薰習子孫清白進則爲韓魏公
范文正退則爲王彥方陳太丘黃髮皤皤宜畫圖凌
烟麟閣之上赤心耿耿未盡寫丹青兔穎之間惟有

勅祀專祠更請褒崇上謚此士林翕然加額而輿論
爽然快心者乎

宋封三代

以報祖廟

四朝而稱者宿宰已


太宰百歲



奕然於心昔乎
 陳跡專師更滯莫崇
 士林餘錄賦而與歸

陳中湛像贊

堂堂大人亢宗邁族稟君子之陽剛履中行之獨復
 崇封三代以報祖禰歷事四朝而稱耆宿宰邑風
 清入臺霜肅炤奸邪洞見肺腑扶善類勝護頭目逆
 魏指公黨魁衣冠相繼褫逐快逢聖主賜環頓致
 普天轉局總憲兩京儀刑九牧嚴明察典豺虎因而
 逖逃洗刷任途龍象曾經踏蹴胡爲乎枕石漱流胡爲
 乎荷衣蕙服藏萬卷書以課後人持百忍箴以調薄
 俗古心古貌出處關世道之安危正學正言褒貶定




人材之榮辱有骨似鐵無瑕似玉其元祐之趙閱道
劉器之慶曆之范希文歐陽永叔乎

范仁元像贊


才地精明性天英偉吐氣成雲落筆散綺不駭鸞跨
鶴而雅類神仙不問舍求田而好爲豪舉有附麗貂
璫者唾其面有居間吏部者洗其耳正直剛大之學
問蟠結心胸忠孝節義之家風發舒眉宇吾嘗讀

天語之煌煌名章之纍纍瞻像琢詞贊嘆無已公三
歲掬於王父之懷且教且乳授之五經如盤走珠如
餅瀉水衆稱之曰才子才子倅學通州經術振起多
士問奇雲蒸霞蔚經師人師衆稱之曰范夫子范夫




子有見神明宦東郡李奏最當封公辭不許抵七任始封父母如其官而後受大中丞之制詞謝折腰五斗之米衆譏之曰孝子孝子其清如鏡其直如矢公南部子銓曹皆以強項忤中人而中人無所致其深文巧詆衆稱之曰奇男子奇男子促見入衛除兇雪恥幾類張睢陽之透爪握拳潁平原之露齧嚙齒奏覲歸來喜極而涕乃抱顛拭目視曰人耶鬼耶夢耶覺耶是耶非耶胸有蓋膽之毛而額無汗踵之泚衆稱之曰鐵漢子鐵漢子佐郡郡清攝篆篆理防海海

絕鯨鯢轉漕漕無雀鼠愛同冬日甘同時雨春行萬家河潤九里在宦則俎豆於士民在鄉則廟食於閭里衆稱之曰范佛子范佛子若其彌留無言口接勅旨蓋風車雲馬先遊於絳霄碧落之間而鶴表龜趺亦上射於箕斗星辰之尾誰不生兒誰兒可比氣吞胡虜慷慨渡擊楫之舟身任安危關繫重倚天之杵此文正忠宣合爲一人非特大書直書於郡史國史者也




魯泉先生像贊

性稟瑋璋節鏗金石堅如百鍊純剛峻如千仞絕壁
 面如伊尹削爪骨如孔明古栢負大儒名建循吏蹟
 立朝秉三無私居鄉守三不惑瑣坦則彈劾奪情權
 相爲之戰慄總憲則澄清察典僉壬爲之辟易然能
 飲人以和有茂叔之光風容人以量有婁公之盛德
 聖明賜之祭葬老稚舉之廟食生不及執爵執爵
 乞更老之言歿多賢子賢孫歌君子之澤吾未及起
 九泉而問經庶幾瞻遺像而伏軾





NATIONAL CENTRAL LIBRARY, TAIWAN, R.O.C.



冷似冰雪蒼如松栢負大儒名建循吏蹟賑饑活
理冤寃白禱雨雨澍祝火火辟祠龍龍見檄虎虎息
彌盜盜止諭苗苗格或歡呼劉佛現或傳誦神君出
而不知公常以採川木忤侍御史以丈蘆洲劾誠意
伯顛倒於獄吏之手談笑於鬼方之窟朝野服其才
華夷信其直起九原而無從空爲之撫遺像而於邑

劉斗墟像贊




馮少墟像贊

先生之氣凌華岳而直上先生之度納黃河而有餘
雄歷文壇鸞停鵠峙妙參道圃魚躍鳶飛游詞林恥
學墨卿之章句拜柱史抗言人主之是非萬夫莫挽
九載閑居公庭削跡衡門晏如窮性至命訂頑及愚
辯釋老之千里析義利之毫釐道學歸於有用聖真
不落空虛弟子執經而從者臣教忠于教孝朋友聞
風而請者德相勸過相規舉動慎平居顰笑出處繫
世道安危濟川之舟向久橫於渡口擎天之柱終借




國立中央圖書館 國家圖書館 國家圖書館 國家圖書館



重於關西太常特召總憲旋除善類依以推轂君子
慶其得與展掌上之經綸共謂可將可相揭區中之
山斗豈止異人異書直承正脉無忝大儒前有洪渠
後有少墟舍先生吾誰與歸

徐準明像贊

才地精明性天寥廓知剛知柔不愧不作奏策等天
人治安之文校書宜天祿石渠之閣而乃出刺信陽
廣求民瘼分督淮黃拮据荒度轉萬艘之漕而倉不
涸塞千里之決而鄰不壑如填海之精衛如填河之
烏鵲水陸奔馳風濤噴薄覆幾陷復生病垂殆勿藥
河漕司空薦其忠勤朝論許其沉着衣垂拂而復甦
車將行而小却畢竟鬼神護呵白頭母青襟兒骨肉
團圞亨三代吉祥之樂公得以口吟手披朝唯夕諾




既敏且妙既精且博小築邇言實天下之奇作跋
 縱橫光明磊落是將印纍纍綬若若表東海之國風
 寄北門之鎖鑰無徒慕秋水逍遙遊上天下天一隻
 鶴

王心岫像贊


天與之貌道與之形秉心易簡應世惻誠縣令奏最
 以考選徵御史養親以孝友稱知足不辱知止不盈
 不挺險走捷不別戶分門不求田問舍不廣廈大庭
 躬行不講學為善不近名或遇無禮而毅然抗不奪
 之色或憐無告而憤然發不平之鳴其介如石其直
 如繩和氣一團與爾鄰里鄉黨清風兩袖係我子孫
 黎民其古之循吏廉吏而今之善人信人者乎

NATIONAL DIAPYCNEL LIBRARY, TAIWAN, R.O.C.



單孟阜像贊


厚德載物善氣迎人家傳世實曰讀與耕慕萬石君
 龍伯高之小心醇謹厭陳孟公杜季良之任俠縱橫
 宗儀敦睦交誼真誠賑親知之困而不侵然諾急公
 家之役而不憚踐更出納詳允議論和平靡爭靡競
 去美去盈瞿瞿良士謙謙吉人尊師取友庭訓一經
 是將紫諾黃封號其居爲通德鄉鳴珂里豈直烏紗
 白髮祝其壽如香山九老洛社耆英者耶



國家圖書館藏

馮茂遠像贊

事親純孝御物太和爲善惟恐不足讀書惟恐不多
肘不願繫黃金印腰不願佩白玉珂嬾命千里之駕
神遊五岳之圖疏池壘土紆屈嗟峨魚濞喜日竹木
交柯抱孫則召公虎課母則曹大姑謹修儒行遊戲
禪那朝野薦舉擬之於陳白沙太史之徒先生掩耳
大笑呵呵古有走馬上任者赴不求聞達科沿門投
刺者赴丘園高蹈科心跡羶垢彼衰衰者胡爲乎南
宮早謝北山誰呵老居士醉維摩有樂歲無兵戈自



陔餘叢考卷之四十一
今伊始請相與幕天席地而唱太平之歌

屠敏蘭像贊


屠之先陳畱籍漢逮元宗譜佚有 明開世康僖諭
德第五叔章仲子烜赫蕙業文人傾財俠客著書萬
言上策三北神鷹繼韝老驥伏櫪好善遑遑如恐弗
及忠信醇謹孝友嫻卹一嫂二孤待公植立一月三
喪待公翕集形神全單生產半瘠貧而好施無窘色
老而好古不願息治天事人莫若嗇公曰否否畱四
壁孝子哀哀向天泣鬱葱佳城天所錫坐壬向丙迎
瓮豚異丁之水左右翼挹取三陽配三吉後祿穰穰



必鼎食



李大生像贊

身挺挺嶺上松目閃閃巖下電落筆如織錦機議論
似追風箭宿世侍蒞珠之宮少年賜櫻桃之宴奉使
則飽讀秦碑探奇已歷周行漢殿簡要清通司勳贊
遷寧爲玉局翁不合時宜恥學模稜手廣行方便拂
袖歸來識者嘆美神鷹似有意於掣鞚天馬終無心
於戀棧姑遊戲於詩窠棋圍之間聊借給於弄月批
風之券忠孝填胸靜以觀變豈好奇而服蕙帶荷衣
是將賜環立召而從容於綸中羽扇者耶




英雄之氣老而勃勃者爲叔祥叟六十七而索震曰
 克家七十四而索坎四六壽清心玉映披紫袿而前
 者曰兩兒之母是先生也謹四端行不苟飽五車文
 不朽骨肉團圞天祥爾後是將牙笏堆床黃金繫肘
 豈特壽南山而名北斗叔祥叟吾祝汝一杯酒

姚叔祥夫婦兩郎小影贊




題朱敬韜像贊

事 上小心迎人善氣洽比宗姻友於兄弟禮樂清
 卿惻惻循吏權稅治河寬平樂易轉漕多年心力勞
 悴文武軍民畏威懷惠炳在幾先避嫌若膩總憲司
 空人進公退有象有儀無咎無譽鏤金自銷完璧何
 罪歌舞園林行樂遊戲篤好禪言兼儉福慧課子弄
 孫衣鉢可繼雪藕水桃五月旣醉挹酒西湖以介百
 歲




NATIONAL CENTRAL LIBRARY, TAIWAN, R.O.C.




冒辟疆像贊

面白衣緋神鋒雋而岸然獨坐者謂誰大手筆行秘
 書驚人鳴冲天蜚珠璣滿腹擲果滿車此江左豪士
 冒辟疆也請醉以李太白之斗酒宋子京之半臂劉
 中壘天祿閣上之青藜




國家圖書館, NATIONAL CENTRAL LIBRARY, TAIWAN, R.O.C.



博雅腹笥五車醇謹家風萬石光明如白日青天挺
 直如蒼松翠栢道貌巖巖才名籍籍是將拚千輪而
 九戟胡爲晏坐於深山密林之側吾願與之談豹韜
 而窺龍德

黃茂之像贊



東晉先生集 卷之四十八 日十贊

陳善公先生集 卷之四十八 三



NATIONAL CENTRAL LIBRARY, TAIWAN, R.O.C.

豐之辨香以代董狐之直筆
觀面於遺像之側請題小贊屬郎君而薦之以代南
名之飛天下也無翼吾與公遙相慕而不相識今始
時而謝屐部署烟霞品題山澤客之滿座上也如雲
愛柳下惠之鼎結解片言畫魯仲連之策時而陶輿
清白笑譚則咳吐珠璣詞賦則聲鏗金石經明六籍
以異人而讀異書以世家而積世德行著丹青風傳

王昭文像贊


國立中央圖書館 國家圖書館 國家圖書館 國家圖書館 國家圖書館 國家圖書館 國家圖書館 國家圖書館 國家圖書館 國家圖書館



六計清深林壑空
 公之遺教以
 垂而謹願藏於至性口訥訥而臧否侃於幾微左規
 右矩靜同老衲冬溫夏清孝類孩提本世家之英而
 能栽培世德又異人之子而能誦讀異書欲驚人故
 不鳴欲冲天故不飛三年發憤二豎來窺芙蓉寶劍
 未經百戰而先折桃花寶馬未馳千里而先疲舌問
 口雖尚在頭壓命其何如有兒通敏骨相嶽奇顧瞻
 遺像且泣且啼宛如耳提面命訓以孔庭之詩禮又

馮子牧遺像贊

其面也白而非山澤癯其襟也青而非章句儒目垂
 垂而謹願藏於至性口訥訥而臧否侃於幾微左規
 右矩靜同老衲冬溫夏清孝類孩提本世家之英而
 能栽培世德又異人之子而能誦讀異書欲驚人故
 不鳴欲冲天故不飛三年發憤二豎來窺芙蓉寶劍
 未經百戰而先折桃花寶馬未馳千里而先疲舌問
 口雖尚在頭壓命其何如有兒通敏骨相嶽奇顧瞻
 遺像且泣且啼宛如耳提面命訓以孔庭之詩禮又



NATIONAL CENTRAL LIBRARY, TAIWAN, R.O.C.

將元宗邁族復見漢官之威儀君乎瞑矣夫復奚悲

童子贊

童子讚為吾友夏彝仲長公端哥非敢佞也吾有所試矣

其二


矢口發下筆靈小叩應大叩鳴四座驚是童神

其三


精用審言辭令半論語天下定

及吾摩頂是童聖

講上下論語宿儒弗



NATIONAL CENTRAL LIBRARY, TAIWAN, R.O.C.




其四

雷如蟄日初東慎蒙養加聖功引雛鳳護珠龍封混
沌週鴻濛脩六德亢五宗世無雙夏黃公


范公茂像贊

儀顛岸偉氣象孤超力勁類三峰之撐柱才雄快八
月之飛濤胸盤二酉吞夢三爻筆花有燦紙價頓高
座俱名雋門絕市交有時與兄弟賦春草之句有時
與衲僧坐槁木之寮有時控神駒而馳康莊大道有
時乘老鶴而叫碧落青霄揮黃金如糞壤眇朱轂如
兒曹以卿命墨以僕命騷是將建旗鼓而張文壇之
後勁抑亦麾甲兵數萬而追范老子之前茅者耶



吳醉白像贊
 髮不白眼不白真率似太傅白豪爽似供奉白詩乎
 酒乎合而爲吳醉白

國立中央圖書館 國家圖書館 NATIONAL CENTRAL LIBRARY, TAIWAN, R.O.C.



言本世教而談笑可以狎鷗鳥行本中庸而呼吸可
以馭游龍我冠我冠不必鶡髮翩翩乎如素雪我裘
我裘不必鹿目熒熒乎如碧玉坦腹北窓而傲羲皇
抱甕漢陰而稱丈人封侯醉鄉而何慕乎黼黻文章
宰相山中而何美乎火藻華蟲嗚呼吾師乎吾師乎
其在而翁

華宗贊


國立中央圖書館 國家圖書館 國家圖書館 國家圖書館
NATIONAL CENTRAL LIBRARY, TAIWAN, R.O.C.



佛不必禮金粟而齋戒有餘仙不必禮玉宸而清虛
有餘游不必裹五岳之糧而坐嘯者有城隅之脩竹
古廬文不必發二酉之祕而手勘者有先世之斷簡
殘書口不必挂是非交不必擇賢愚而一杯之酒足
以入混沌之門戶窺醉鄉之籬籬嗚呼噫嘻吾不知
其爲誰疑所謂今之貧孟嘗古之富伯夷

張兩懷像贊

國家圖書館 NATIONAL CENTRAL LIBRARY, TAIWAN, R.O.C.



腰無媚骨面無作顏清似素絲直似朱絃是嘗承蜩而決如山之牘飲馬而投酌水之錢朝拜官夕能奏疏晝所爲夜必告天獨立獨行不黨不偏勁節則凌霜傲雪昌言則轉坤旋乾其鳴也鳳其冠也蟬其氣也浩其神也全皮相者疑爲據梧之南郭子而習公之勲德名位者謂當圖像於凌烟之間


晏懷泉像贊

國家圖書館 NATIONAL CENTRAL LIBRARY, TAIWAN, R.O.C.




蔡默齋像贊

筆無塵胸無滓骨無媚舌無綺孝如閔直如史心如
 水門如水是常却餽金拒奔女又常祝虎虎匿祝泉
 泉起而惜其邊略邦謨竟付之粟里之歸來香山之
 知止爲循吏則俎豆於桐鄉爲鄉先生則尸祝於畏
 壘三已不愠三仕不喜瞻識堅明學術粹美故峒中
 猗夷有公心天老之稱而海忠介諸公有易退難進
 之許有人如此是宜爲中山太史之父而王文成豈
 能置之爲弟子公如可作請隨鞭弭




國立中央圖書館 國家圖書館 國立中央圖書館 國家圖書館



草深一丈松大十圍伊何人哉心素衣緋其貌也戰
而肥其才也怒而飛其盤礴三教之中而橫絕一世
之上也出乎機而入乎機其味淡其聲稀其與天游
與俗違殆長嘯之孫登而坐忘之司馬子微耶

顧黑孫像贊





陽春先生集卷之四十一



是道人也吾曾遇之於寒山之巔塊然一室茅縛遵
 編形如土木而不受人憐聲出金石而不爭世妍而
 誰知其為劍中俠詩中仙畫中禪蓋上行先生而又
 獨行之大賢也

沈朗倩贊



陽春公先生集卷之四十一

隱居之大... 萬卷空走筆則萬靈役昆鵬扶搖龍象踏蹴三年不飛飛食肉君何爲乎在空谷

呂宴如像贊


心如水形如木人如玉抖擻衆緣遊神於獨過目則萬卷空走筆則萬靈役昆鵬扶搖龍象踏蹴三年不飛飛食肉君何爲乎在空谷

晏如呂先生勅斷家務讀書深山人莫得而測也題其小炤以志向往

東村先生集

卷之四十一

五言贊



國家圖書館 NATIONAL CENTRAL LIBRARY, TAIWAN, R.O.C.

行篤敬言忠信如見魯仲連不談名利如見黃叔度
能銷鄙吝目光爛而若神神鋒含而猶雋筆扛九鼎
文排八陣豈特稱名士之冠軍吾將授以詞林中徽
侯之甲


閔徹侯像贊

NATIONAL CENTRAL LIBRARY, TAIWAN, R.O.C.

閔徹侯像贊

卷之四十八


五十五



閔康侯像贊

落落經筵森森武庫氣吞目前之才予可以橫飛相儼天上之貴人可以獨坐胡爲乎生朱門心蓬戶衫尚青髮垂素蠹魚遊萬卷而欲仙老驥志千里而如怒吾懷一瓣香置先生於孔北海鄭康成之間奚其過奚其過

國立中央圖書館 國家圖書館 國立中央圖書館 國家圖書館



生朱門謝丹轂閉戶居下帷讀翻牙籤展玉軸希賢
聖友名宿厭誼囂懶馳逐靜攝心飛食肉墨稱王騷
命僕三寸管萬花谷

錢登甫像贊

國立中央圖書館 國家中央圖書館 國家中央圖書館

